



08757

晁具茨先生詩集序

子曩遊都城於晁用道爲同門生後三十六年公武於涪陵又二年見之於武信愛其辯博英崑辭藻藹如也因與之善初不知其爲用道子也一日來謁曰先公平生多所論著自丙午之亂埃滅散亡今所存者特歌詩二百許篇涪陵太守孫仁宅旣爲鑱諸忠州鄧都觀昏然林水之間矣敢句先生一言以發之子亟聞其語謝曰願聞先君之所以含咏而獨游者公武於是出其家譜牒乃知其先君名冲之字叔用世所謂具茨

晁具茨先生詩集序

一
海山仙館叢書

先生者也予於是聳然曰是必吾用道也耶第今字叔用爲小異耳已而追懷平昔周旋之舊益自京師之別絕不相聞今乃幸與其子遊又獲觀其所論著爲之慨嘆者久之嗟乎予安得不爲吾用道一言哉方紹聖之初天下偉異豪爽絕特之士離讒放逐晁氏羣從多在黨中叔用於是飄然遺形逝而去之宅幽阜蔭茂林於具茨之下世之網羅不得而嬰也暨朝廷諸公謀欲起之迺復任心獨往高挹而不顧世之榮利不得而羈也至於疾革乃取平生所著書聚而焚之曰是不足以成

吾名世之言語文章不得而汚也由是觀之叔用之所
以傳於後世者果於詩乎顧其胸中必有含章內奧而
深於道者矣宋興五十載至咸平景德中儒學文章之
盛不歸之平棘宋氏則屬之澶淵晁氏二氏者天下甲
門也太子太傅文元公事章聖皇帝飛詞禁苑垂二十
年當是時甄明舊儀緒正禮樂一時詔令皆出其手於
是朝廷典章法度之事非六籍之英則三代之器也迨
其子文莊公繼踐西省是時文元公方請老家居也宋
宣獻以謂世掌書命者惟唐新昌楊氏及見其子而晁

氏繼之至慶曆中遂叅大政議論深博識者躋之然則
叔用以文莊爲曾大父以文元公爲高祖其家世風流
人物之美淵渟浚深蓄厚而發遠自王文獻李文正畢
文簡趙文定四三公富有百氏九流之書而晁氏尤瓌
富閱溢所藏至二萬卷故其子孫焯掌勵志錯綜而藻
績之皆以文學顯名當世子嘗從叔用商近朝人物嘉
言善行朝章國典禮文損益靡不貫洽由叔用之學而
達諸廊廟之上溫厚足以代言淵博足以顧問則以詩
鳴者豈叔用之志也哉雖然叔用旣以油然棲志於林

澗曠遠之中遇事寫物形於興屬味其風規淵雅踈亮
未嘗爲懷怨危憤激烈愁苦之音予於是有以見叔用
於晦明消長用捨得失之際未嘗不安而樂之者也嗚
呼所謂含章內奧而深於道者非耶秦漢以來士有抱
奇懷能留落不遇往往燥心汗筆有怨誹愴悞沈抑之
思氣候急刻不能閑遠古之詞人皆是也太史公作賈
誼傳益以屈原配之又裁錄其二賦焉至誼論三代之
陶世振俗固結天下之具與夫秦之所以暴興棘亡斬
艾天下之術則遷有所不錄也何哉豈遷之意謂誼一
不平於其中遂哀怨鬱泣涕以死借使文帝盡用其
言則誼亦安能有所建立於天下乎惟深於道者遺於
世而不怨發於詞而不怒君子是以知其必能有爲於
世者也嗟乎吾於叔用豈直以詩人命之哉紹興十一
年九月五日陵陽俞汝礪序

晁具茨先生詩集目錄

澶淵晁冲之叔用著

卷之一

古詩 六首

古樂府

雪效柳子厚

擬一上人懷山之什

題魯山溫泉

香山示孔處厚

晁具茨先生詩集目錄 一

海山仙館叢書

田中行

卷之二

古詩 四首

同魯山韓丞觀女靈廟前險石

陸元鈞宰寄日注茶

送王敦素樸

次四兄以道韻答許下諸公

卷之三

古詩 六首

晁具茨先生詩集目錄

贈僧法一墨

法一以余所贈墨爲不佳

復以承晏墨贈之

紀愁

四兄諸人皆用屋宇詩送一上人余獨留之

送一上人還滁州瑯琊山

卷之四

古詩

七首

和十二兄五首

昆其友先生詩集目錄

二

海山仙館叢書

夷門行贈秦夷仲

次四兄雪夜韻

卷之五

古詩

六首

書懷寄李相如

次韻集津兄會羣從王敦素宿王立之園明日

西征馬上寄示諸人

復至新鄉廡寄張穉

洗馬次十一兄之道韻

覽古

戲李相如攜婦還金鄉

卷之六

古詩

六首

次韻王立之雪中以酒見餉

東陽山人僻居

謝沈次律水枕

簡江子之求茶

贈張琪君章

昆丘先生詩集目錄

三

海山仙館叢書

效古別昭德羣從

卷之七

近體

十四首

睡起

送韓溫父

和四兄以道閑居感歎有作

復次韻

寄江子之

次四兄以道韻效李義山雪

寄江子我

戲成

和子我晚歸

懷蘇門山

二十一兄季此生女有詩次韻

決道念八弟得小金印以詩贈之

夜坐

和人遊李文和園

卷之八

晁具茨先生詩集目錄 四

海山仙館叢書

近體

十五首

送僧

樂府二首

傷心

怡怡軒贈王次翁

亭成

至日

贈山人沈廣漢

龍興道中

敦素有以書局處之者作詩迎之

立春

和集津兄謝王立之紅絲花

又次韻謝王立之惠紅絲花

謝任伯久無書常子然寄茶謝之因簡任伯

客有駑馬不肯借作詩誚之

卷之九

近體 十五首

自然詩 并序

晁具茨先生詩集目錄

五

海山仙館叢書

避暑普淨院

送惠純上人遊闍

卷之八

行道中

行泌水上

送王敦素樸

次韻江子我蠟梅二首

次韻集津兄懷嵩少示王立之

和王立之蠟梅二首

榮澤驛阻雪

秋雨感事

次二十一兄季此九日韻

問訊次九日韻

卷之十

近體

八首

積善堂詩

并序

春日二首

次二十一兄季此韻

別饒道二十弟

晁具茨先生詩集目錄

六

莫春

別息道二十二弟

和江子我竹夫人

卷之十一

近體

十四首

戲留次襄三十三弟

行武陟田中贈

懷濟北弟姪

王敦素許繼不至戲簡促之

別昭德第愴然傷懷

別餘道二十弟

和虞道二十三弟

和葉甥少蘊內翰重開西湖見寄二首

和寄葉甥少蘊內翰見招

次韻再答少蘊知府甥和四兄以道長句并見

寄寄二首

復和少蘊內翰甥兼謝伯蘊通判兄再贈

復用韻

晁具茂先生詩集目錄

七

海山仙館叢書

卷之十二

近體

十五首

僧舍小山三首

挽十六叔父朝散

和二十二弟二首

題超化寺壁

夜行

和虞道二十三弟

留別江子之

寄王立之

讀陳平傳

次韻江子我見寄

朱少章曝麥爲雨所漂

過陳無已墓

卷之十三

近體

十六首

初來東里

至東里次前韻

晁具茨先生詩集目錄

八

海山仙館叢書

都下追感往昔因成二首

次韻四兄蘆橋柳橋二首

次韻陳叔易恬蘆橋柳橋二首

次韻朱少章蘆橋柳橋二首

挽蔡晉如墓

夏室

謾興

過鴻儀寺

答韓君表

次君表韻答葉少蘊甥

卷之十四

近體

十七首

與秦少章題漢江遠帆五首

莫春書事

謝富蔡見過

范元章惠然相過見問竒章公服鍾乳三千兩
事因爲長句戲之

再至都城

晁具茨先生詩集目錄

九

海山仙館叢書

春晚圃田道中三首

玉字黃庭經

重過鴻儀寺

贈江子我子之

贈江端本子我

送僧歸建州

卷之十五

近體

十八首

和新鄉二十一兄華嚴水亭五首

感梅憶王立之

送人遊江南

和顏伯武丈山寺

小魏買馬久不至以詩寄之

和四兄清泉香餅子

晝寢

過陳無已墓

懷王立之

以少炭寄江子之

晁具茨先生詩集目錄

十

梅

過王立之故居

再至徐州示諸弟

秋夜情

晁具茨先生詩集目錄終

晁具茨先生詩集卷之一

古詩

古樂府

韻會漢孝惠皇帝六年使樂府令備簫管始有樂府之名

大星何歷歷

前漢五行志大星天王也

小星爛如石

詩嘒彼小星

掖垣崔

嵬橫紫微

史記天官書太微官垣十星東垣北上相名左掖門西垣北上將名右掖門與紫官垣同

晉志紫微天帝之座

十二羽林森北極

天文志虛危南有眾星曰羽林天軍爾雅天樞亦曰

北辰居天之中以正四時

今夕何夕月欲沒

虎抱空關龍厭直張衡靈憲

蒼龍連蜷於左白虎猛據於右崢嶸北斗著地垂

天官星占北斗為帝車運於中央手

去瓠瓜不盈尺

星占瓠瓜一名天雞明則歲大熟

巖陵醉卧光武傍

隱逸

晁具茨先生詩集卷一

一

海山仙館叢書

傳光武與嚴光同宿光足加於帝腹

早太史奏客星犯帝座浮樁正值天孫織

河與海通有人八月浮槎木質一年糧至一處見婦人織丈夫牽牛渚頭飲之此人問何處丈夫曰可詣蜀嚴

君平問之君平曰某年月客星犯牛斗正是此人到天河時也

王良挾策飛上天

四星曰天駟旁一星曰王良王良策馬車駟滿野

傳說空騎箕尾立

莊子傳說相武丁奄

有天下乘東維騎箕尾而比於列星

君不見茂陵棄子欲登仙

武帝葬茂陵通鑑元鼎四年上幸雍且郊齊人公孫卿曰漢興復

當黃帝之時鑄鼎黃帝可立致也於是上曰嗟乎誠得如黃帝吾視去妻子如脫屣耳遂拜公孫卿為郎

自將壯士終南邊

南山橫亘關中南面西起秦隴東徹藍田凡雍岐鄜長安萬

年相去八百里而連綿峙據其南者皆此一山也忽然

遭窘出璽綬歸來下詔除民田

通鑑建元三年上始為微行北至池陽西至黃

山南獵長楊東遊宜春與左右能騎射者期諸殿門常以夜出自稱平陽侯且明入南山下射鹿豕狐兔馳騫乃得免又嘗夜至柏谷投逆旅宿就主人求漿主人翁日無漿正有溺耳且疑上爲姦盜聚少年欲攻之主人翁睹上狀貌而異之止翁日客非常人也翁不聽姬醉翁而縛之少年散走姬乃殺雞爲食以謝客明日上歸召姬賜金千斤拜其夫爲羽林郎後乃私置更衣從宣曲以南十二所夜投宿長楊五柞等諸官上以道遠勞苦又爲百姓所患乃使大中大夫吾丘壽王舉籍阿城以南蓋屋以東宜春以西提封頤晦及其賈直除以爲上林苑屬之南山又詔中尉左右內史表屬縣草田以償鄴杜

阿瞞急示乘輿物

唐史明皇常自呼爲阿瞞撫異記開元二年春上幸寧王

晁具茨先生詩集卷一

二 海山仙館叢書

於野次因疾驅直突會前諸子輩頰露難色忽一少年持酒船唱令日宜以門族官品備陳之酒及於上因大聲日會祖天子父相王臨淄郡王某也諸少年驚走四散不敢復視於車服上因聯飲三銀船盡一巨餽徐乘馬而鮮卑仍棄珊瑚鞭晉紀王敦將舉兵內向明帝密東去其營壘敦正晝寢夢日環其地驚起日此必黃鬚鮮卑奴來也即遣五騎追帝帝馳去馬有遺糞輒以水灌之見逆旅賣食姬以七寶鞭與之日後有騎來可以此示俄而追者至問姬姬日去已遠矣因以鞭示之五騎傳玩稽留久又見馬糞

又不見古來垂堂戒華屋敵國挾

輈戎接轂

司馬相如諫獵書家累千金坐不垂堂蘇秦

孫闕與穎考叔爭車考叔扶輈以走子都拔棘以逐白之又諫獵書胡越起於轂下而羌夷接軫豈不殆哉龍魚服誤網羅說苑吳王欲從民飲酒子胥諫日不可

且射中其目白龍上訴天帝天帝曰當是之時若安置而形對曰我化爲魚天帝曰魚固人之所射也豫且何罪今君飲酒臣恐有豫且之患王乃止
孔雀金花被牛觸杜甫孔雀未知牛有角渴飲寒泉逢抵觸赤霄玄圃須往來翠尾金花不辭辱

雪效柳子厚原註一作贈一上人

月落雞聲寒曉色靜茅屋開門驚不知夜雪壓修竹陰鏗

夾池一叢竹垂翠不驚寒葉醜宜城酒皮裁薛縣冠湘川染別淚衡嶺拂仙壇欲見凌冬質當爲雪中看

牙生新冰鱗甲刻溪谷西清詩詒華州狂子張元咏雪詩云戰退玉龍三百萬敗鱗殘

甲滿天飛**晶晶洲渚明**廣韻晶晶白貌**冽冽川原蕭**說文冽冽氣寒也**孤蹲**

雀不動六書故曲脰坐日蹲**沈酣客猶宿呼童晨汲**歸地理志土狹而險山

晁具茨先生詩集卷一 三

居谷汲**獨漱寒泉玉**易井冽寒泉食文選山溜何洽冷飛泉漱鳴玉

擬一上人懷山之什

中夜雪打牕晉史祖遜中夜聞荒雞鳴蹴劉琨覺曰此非惡聲也因而起舞**燈暗光照**

屋袖手地鑪火宋紀太祖雪夜叩趙普門已而大雪普設重茵地坐熾炭燒肉妻行酒帝以媵呼之帝曰吾睡不能著一榻之外**鉗聲起絲竹憶我故**

皆他人家也遂定下江南之策**鉗聲起絲竹憶我故**

山房松風韻崖谷梁書陶宏景特愛松風庭院皆植松每聞其聲欣然爲樂**山空牛**

斗寒王維夜靜春山空牛斗詳見前古樂府**寺靜魚鼓肅**集記魚木魚法器名釋道家擊

以誦經者樂書鼓羣音之長伊耆氏**西寨鹿不歸**說文造梁昭明掖影專高塔法鼓亂巖更

作柴名義考凡別墅籬落**東嶺鶴獨宿**杜甫劍閣星橋日柴王維輞川有鹿柴

海山仙館叢書

更想醉翁亭兩峰高竝玉歐陽修醉翁亭記環滁皆山也其西南諸峰林壑尤美望

之蔚然而深秀者琅琊也山行六七里漸聞水聲潺潺而瀉出於兩峯之間者壘泉也峯迴路轉有亭翼然臨出於泉上者醉翁亭也作亭者誰山之僧智仙也名之者誰太守自謂也

題魯山溫泉寰宇記春秋鄭邑漢號魯陽後魏號魯州唐號魯山屬汝州孤峯秀

立山下有溫泉武后嘗幸此其側又有寒泉

平生耳熟聞驪山寰宇記驪山在臨潼縣東南二里山海經云驪山其陽多寶玉其陰多黃

金溫泉水出焉漢武故事秦始皇於此砌石矧宇武帝遊幸加修飾焉雍錄溫泉在驪山秦漢隋唐皆嘗遊幸惟玄宗特後卽山建立百司庶府各有寓止夢寐不到於十月往至歲盡乃還官綠楊妃奢蕩益著

臨潼關寰宇記臨潼當年太液金井碧前漢記太液池在建章宮北周

晁具茨先生詩集卷一 四 海山仙館叢書

迴十頃成帝嘗秋日攜趙飛燕遊此以沙棠木爲舟以紫桂爲柂以雲母飾鷁首池中有蓬萊方丈瀛洲象三神山也風俗通溫泉宛在關山間王建溫泉宮行十月一日天子來青繩御

路無塵埃官前內裏湯各別每箇一日芙蓉開朝元閣向山上起城繞青山龍暖水夜開金殿看星河宮女知更月明裏武王得仙王母去山鷄晝鳴宮中樹溫泉決出宮流宮使年修玉樓禁兵去盡無射獵日西麋鹿登城頭梨園弟子偷曲譜頭白人間教歌舞憶昔君來必十月騎玉花驄帶風

雪韻府唐明皇太真獨侍沐浴邊通鑑壽王妃楊氏色美絕世無雙明皇見

而說之令妃自乞爲女官號太鯨甲龍鱗影清絕西京真潛納宮中幸之遂進爲貴妃鯨甲龍鱗影清絕

昆明池刻玉石爲鯨每至風雨鯨常鳴吼鬣尾皆動初學記前梁有開豫池池有龍影五彩逐鱗龍於其上

五十年昇平一迷賈至爲報延州來雅却驅萬騎出關

西幸蜀記潼關失守國忠倡幸蜀之策上命龍武將軍陳元禮整六軍出延秋門行從皆饑上沸然有棄海

內意高力士抱上足泣諫乃止父老爭獻糲飯手躬而食至馬嵬驛士卒憤怒誅國忠縊殺貴妃以狗眾心駕

將發眾議所之力士揣上意日太原隣賊自為前朝同朔方近塞以臣所料蜀道可行遂幸西蜀

禍水外傳漢成帝微行過陽阿主家說歌舞者趙飛燕召入宮大幸有女弟合德復召入姿性尤醜粹左

右見之皆噴噴嗟賞有宣帝時披香博士淳方成在帝後唾曰此禍水也滅火必矣

廉溪南宋明帝問范柏年貧泉答曰梁州唯有文州武鄉廉泉讓水問卿宅何處曰臣處廉讓之間帝嗟

其善君不見汝海之南魯山左亦有此泉名不播征夫問

路說湯頭可憐是亦陳驚坐陳遵傳遵字孟公時列侯有與公同姓氏者每至人

門莫不驚動因號為陳驚坐

晁其英先生詩集卷一 五

海山仙館叢書

香山示孔處厚

寰宇記香山舊名火珠山大悲菩薩證道所也在汝州寶豐縣

東白居易詩六月灘聲如猛雨香山樓北暢師房夜深起凭欄于立滿耳潺湲滿面涼

我來南經幾山過馬行似衝山色破李白波翻□□風影岸登春山色

烟席卷巖穴開陳後主楊柳春橋邊車馬飛風烟澗花縈迴水流左懸

崖彷彿聞松聲晉宋纖傳丹崖千丈青壁萬壽室邇人遠實勞我心下瞰幽深鳥

飛墮後漢馬援傳援擊交趾仰視飛鸞跼跼墮老夫他

年有所歸定結白茅依紫籬九域志紫籬山在汝州梁縣按梁縣即寶豐縣日

高下馬古寺門魚鼓欣聞脫清餓魚鼓詳見擬一上人道人碧眼

照川谷智度論得道者名為道人高僧傳維摩眼紺青色稱碧眼胡僧雲起盤陀藉高

坐杜甫星躔寶枝金盤陀注馬上餘也殷勤勸我更莫歸
喚鶴啼猿亦相

和牕前笑喚孔賓晉書孔嘉年二十餘夜忽牕中有
聲呼曰孔孔賓孔孔賓隱去來隱

去來修飾人世甚苦不可諧所得
未毛銖所喪如山崖旦而逃去
世間安用招魂些楚

精神杜甫易下揚朱淚難招楚客魂

田中行

落葉如流人陸機鳴枯條之冷冷飛落葉之漠漠
遷徙不可收嚴霜枯百

草淮南子陰氣盛清泚山下溝我行將涉之脫屣笑復
則凝而為霜

休憊然顧籃輿陶潛傳向承籃輿亦足自適崎嶇反經邱陶潛歸去來辭既窈

窈以尋壑亦崎嶇而經丘天風吹我裳彼亦難久留晚過柳下門晉書

晁具茨先生詩集卷一 六

陶潛門植五柳鳥聲上啾啾父老四五輩向我如有求
自號五柳先生

邀我酌白酒談苑海東劉生善釀白酒曝日中經旬飲之醉不醒語云不畏張弓拔刀惟畏白

醪香酒酣語和柔指云此屋南頗有良田疇勸我耕其
中庶結同社遊吾母性慈儉老子我有三寶保而持之日慈曰儉曰不敢為天下

先慈故能勇儉故能廣不敢為天下先故能成器長此事誠易謀伯也久吏隱晉

清傳孫綽謂清隱非吏吏非隱又先賢傳鄭欽吏隱於蟻陂之陽可以吾無憂請歸召

家室賣衣買肥牛史龔遂傳遂為渤海守郡人好佩劍帶刀遂合賣劍買牛賣刀贖贖所

望上帝喜祈穀常有秋月令是月也天子乃以元日祈穀於上帝尚書若農服田力穡

乃亦

有秋 晁具茨先生詩集卷之一終

海山仙館叢書

晁具茨先生詩集卷之二

古詩

同魯山韓丞觀女靈廟前險石

君不見魯陽之西兩山麓

魯陽詳見卷一題魯山

十里連岡寫平

陸青林白晝暗古洞

楊雄續紛往來轆轤不絕若光若滅者布乎青林之下

雀啣

虛簷蛛網屋

杜甫啣雀爭下

屋邊怪石何瑰竒鳳筋

虎骨連肌肉巉巖欲下落澗渚

頽洞千鈞一毫屬

淮南子未

有天地鴻濛頽洞許慎注頽讀作項周伯溫日氣頽洞未分之貌

天匠惟知刻畫功

賦刻畫齒巖今

鬼力深憂護持哭前峯高蹇下如揖餘

晁具茨先生詩集卷之二

海山仙館叢書

峯危慄皆俯伏披尋宿莽得佳趣

楚詞朝搴阨之木蘭兮夕攬洲之宿莽注

經冬不凋草也窞為溪壑呀為谷

說文窞汚下也同窞西都賦呀周池而成淵字林呀大空

香爐佛迹不在外

慧遠廬山記香爐山孤峯杳起游氣籠其上焚氤若烟龔宇記佛手

巖在廬山北巉生石壁形如佛手垂下故名

仙掌蛾眉此其足

前漢武帝紀鑄仙人掌以

承露蜀志眉州自岷山連岡疊嶂延袤三百餘里至此突起二峯對峙宛若蛾眉故名

秀潤潛涵

夏木清空濛映帶春江綠我知此必蘊靈異何止懷藏

易城玉

史記趙惠王得楚和氏璧秦昭王請以十五城易之趙使藺相如奉璧入秦相如見王無意償

城欲以璧擊柱秦王恐碎璧不敢逼視相如乃使人完璧歸趙

聞寂嗟來麋鹿遊孤峻

幸免牛羊躅自經于載禹刊鑿不逢萬里秦驅逐

三齊畧秦

始皇欲作石橋過海觀日出處時有神人能驅石下海
石去不速神輒鞭之石皆流血至今悉赤陽城山石盡
起立巖巖東傾 踟躕三遠回高岡却立下視雲蒼蒼古
狀如相隨行

今誰為好事者後有韓子前奇章 石譜牛僧孺封奇章公好蓄奇石以甲乙

內丁為君不見玉川先生洛陽宅 唐盧仝號玉川子其莊在河南之濟源縣

全詩云買得一片田濟源花洞前是也有寺曰 玉泉寺仝嘗汲此寺泉煎茶有謝孟諫議茶歌 修竹蕭

蕭獨為客宅年如與鶴乘軒 左傳衛懿公好鶴有乘軒者 可來相見

銅駝陌 陸機洛陽記洛陽有銅駝街漢鑄銅駝二枚在官南四會道相對俗語曰金馬門外集眾賢銅駝陌上

集少年

陸元鈞 字 寄日注茶 歸田錄兩浙之茶日注為第一會稽郡城南有日注

晁具茨先生詩集卷二 二 海山仙館叢書

嶺

我昔不知風雅頌草木獨遺茶比風 經疏毛詩無茶字 陋哉徐

鉉說茶苦 說文苦茶也徐鉉曰此即今之茶字 欲與淇園竹同種 韻府漢武塞瓠

子河下淇園 又疑禹漏稅九州 唐書德宗時趙贊始興茶稅張滂繼之 橘

柚當年錯包貢 書厥包橘 柚錫貢 腐儒妄測聖人意遠物勞民

亦安用舍桃熟薦當在盤 禮記月令仲夏之月天子羞以含桃先薦寢廟注舍桃即

櫻桃為鶯鳥所 荔子生來枉飛鞚 漢本紀永元開嶺南

含故日含桃 五里一墟晝夜傳送唐羗上書言竊見交趾七郡獻生

荔枝龍眼觸犯死亡之害此二物升殿未必延年益壽 詔敕大官 好茗飲鯽魚羹及過北又

勿復受獻 羊殖異好亦何有 魏錄琅琊王肅昔仕南朝

好羊肉酪漿嘗云羊陸產之宗魚水族之長羊比魯蚘齊大邦魚比邾莒小國惟茗飲不中與酪漿作奴

菜殊珍要非奉爾雅蚘狀如小蛤而圓厚嶺表錄異南人各空慈子尚書盧鈞以其殼似瓦屋

之薑改爲屋瓦子屋董子廣人重其肉炙以薦酒呼爲天爵亦謂之蜜丁君家季疵真禍首

毀論徒勞世仍重唐書竟陵僧於水濱得一兒育爲弟子稍長因自筮而姓陸名羽字鴻漸

有才華茶術最精遊於湖海稱竟陵子著茶經三篇李季卿至江南召羽煮茶羽衣野服挈具而入公心鄙之

命僕者取錢三十文酬煎茶博士爭新鬪試誇擊拂茶羽愧之更著毀茶論羽別字季疵

建安鬪茶以茶之水痕先退者爲負耐風俗移人可深痛

人者爲勝名曰茗戰歐陽修有鬪茶歌西京雜記司馬相

老夫病渴手自煎嗜好悠悠亦從眾如有消渴病唐書

常魯使西番烹茶帳中謂番人曰滌煩療渴所謂茶也更煩小陸分日注密封細

晁具茨先生詩集卷二 三 海山仙館叢書

字蠻奴送槍旗却憶採擷初茶譜團黃有一旗二槍之號言一葉二芽也雪

花似是雲溪動晉張協七命右臨雲溪注雲所出之溪更期遣我但敲門

賈島鳥窠池邊樹僧敲月下門玉川詳見前同魯山論語吾不復夢見周

公博物志飲真茶令人少眠睡

送王敦素 樸

先君有六女所託皆高門于定國傳定國父于公其門閭壤父老方與其治于公日

可高大其門令容駟馬高車我治獄多季也久擇壻晚

陰德子孫必有興者至定國爲丞相唐史賀知章稱李

得與子婚子家望海內實惟謫仙孫白此天上謫仙也

筆也有家法晉王羲之父子以書法名世勢作風雷霹靂張九齡河津會日月天仗

役風 結交多英豪坐致名譽喧本事詩韓翃少負才名天寶未舉進士孤貞靜

默所與遊皆 憶昔識子初河流出崑崙水經崑崙山在西北去嵩山五

萬里其山高萬一千 中間一再見騏驎始伏轅楚詞寧與騏驎

抗輓乎將隨 去年接同居底裏見所存磊落忠義人石勒

駑馬之跡乎 愛國憂黎元郊祀志大路所歷黎元不知注言無徭費不勞

日大丈夫行事當 使當元祐時密勿與討論元祐宋哲宗年號杜甫君誠中興主經緯固密

於下 勿上可參廊廟文中子山澤有廊廟之志注廊殿下

可裨諫垣唐書元稹既居諫垣不欲碌碌自滯惜哉不遇知白髮早已繁

卑官不可說感激猶主恩虞世南緬懷古人爛漫有歸

晁具茨先生詩集卷二 四 海山仙館叢書

期繫舟古槐根異聞錄淳于芬飲古槐下醉卧夢二使曰槐安國奉邀指古槐入穴中槐安國

王曰南柯郡不理屈卿為守等槐根下穴可容一榻直上南枝即南柯郡也後果為南柯太守祖餞無

酒食韓愈集二疏告老故人邑子贈遺請以言說苑贈人以軒

不若贈子家鍾山下寰宇記鍾山在秣陵城東北形勝志鍾山龍蟠石城虎踞長江天塹

人以言 隨事有田園陶潛田園將蕪胡不歸竹徑背古寺徐稜竹徑

所鍾 齋結 草堂面江村盧鴻終南草堂歌山為高軒納翠微宅草為堂芝室今藥房

構新 阮籍高軒飛觀廣廈閑房 修筒引潺湲杜甫連筒灌小園封禪書河湯

爾雅山木及上日翠微 湯兮流 林影散書帙杜甫色侵山色搖酒罇陶潛攜幼

盈日飲建康水風土記童謠云寧飲建康水不食時登

樽 武昌魚寰宇記建業晉改名建康

謝公整寰宇記金陵謝公整在冶城北以謝太傅名沈酣左氏學魏賈逵月讀左傳一

遍後魏張吾貴不能說左傳詰劉蘭浩蕩極辭源杜甫講傳三句集生徒講之義例無窮

憐筆勢浩傷問詞源客至勿多語欲吐且復吞書來無忽忽慰我

別後魂江淹知離夢之躑躅意別魂之飛揚

次四兄以道韻答許下諸公

羣雄將風騷魏繆襲芟夷鯨鯢驅羣雄唐村牧今代風騷將誰登李杜壇敵若攻守

墨通鑑齊田單守即墨燕將久攻不下單詐約降燕燕軍懈單乃以牛千頭為絳衣畫五采龍文束兵其角灌脂束葦於尾燒其端夜公將百萬兵通鑑絳侯周勃日吾嘗將百萬

軍然安知獄如劇孟足前漢書劇孟博徒也袁盎善待之周亞夫得劇孟隱若一

吏之貴乎

晁具茨先生詩集卷二 五

敵通鑑陳平曰項王骨鯁之臣不過數人間楚或揮金王能捐數萬斤金行反間問其君臣以

疑其心破楚必矣漢王乃出黃金四萬斤恣平所為伐虜還取玉穀梁傳獻公亡

虞荀息牽馬操璧而前日璧則猶是也而馬齒加長矣使我備偏裨唐史唐制凡

大將營牙參授書防敗辱蘇秦傳士業已屈首受書而不能以取榮李陵書曹沫不辭三敗之

辱安敢凱旋歌晉書裴行儉大破厥突振旅奏凱而旋直可向師哭左傳

公召孟明西乞白乙使出師於東門之外蹇叔哭之曰孟子吾見師之出而不見其入也短兵不須

接杜甫狹巷短兵相接長城已完築史秦築萬里長城畏強我

但守用奇公自出唐李華文文教失宣武臣用奇入壘畏滕行吳王濞

袒詣漢軍顧首滕行免冠謝頭禿韓愈毛穎為人強記便敏上嘗呼為中書君後進見上將有任

海山仙館叢書

使拂拭之免冠謝上見其髮禿
論功穀可丹揚雄客欲
上笑日中書君老不中書耶
朱丹吾穀
不知一跌將錫命綬當緣漢官儀二千石以上者
顧我
赤吾族也
錫命綬當緣銀印緣綬亦曰艾綬
老更癡音吳衍老
癡癡漢
猛虎空手觸詩袒裼
暴虎

晁具茨先生詩集卷二 六

海山仙館叢書



晁具茨先生詩集卷之二終

海山仙館叢書

晁具茨先生詩集卷之三

古詩

贈僧法一墨

黃山之巔百尺松

寰宇記歙州黃山上有峯三十六溪二十四洞十八黃帝嘗與容成子浮丘公煉丹於此古詩鬱鬱湖底松離

離山上苗愛彼徑寸莖蔭此百尺條
虬枝偃蓋連羣峯

酉陽雜俎世傳松千歲方傾平偃蓋杜甫偃蓋反走虬龍形
山神守護魍魅避

說文魍魅避魍魅老精物也人面鬼身四足好惑人山林
道人剪伐天為容

異氣所生魍似山獸之形魍屬也
詩勿剪 捫崖蹠蹠篝火遠

說文篝竹籠也史陳涉世家夜篝火絕壁瞻靄
凝烟濃

曹植墨出青松烟筆出鈔兔翰
玄霜霏霏玉杵下

墨經韋仲將墨法鐵白中
晁具茨先生詩集卷三

一 海山仙館叢書
搗三萬杵杵多益善案

墨名玄霜又名玄雲
捕麋煮角當嚴冬

墨敷廬山松烟代郡鹿角膠十年已上強
陰房風日不可到

律吹葭管
律吹葭管 小書細字著名姓

黃金照耀雙龍
守臣再拜選進日九關有詔

玃父子墨以賜近臣皆圖雙脊龍乃其墨之尤佳者
開重重老儒偶得實

天幸千金更買無由逢
上人澹泊 何所好工書草穎如飛蓬

程邈作隸書杜操作草書
苦來求我惜不得 一酬十載相過從

君不見玉堂詞人紫垣客
御書飛 白四字題於翰林院曰玉堂之罨史天官書上垣太微

中垣紫微下垣天市晏公類要黃門省名紫垣給侍中
所 羣賜舞蹈黃羅封長安紙價猶未貴

左思傳思字太冲造三都賦成

豪貴之家競相傳寫洛陽爲之紙貴世說庾
闡作揚都賦成人競傳寫都下爲之紙貴 江南江北

山皆童 廣韻山無草木日童

法一以余所贈墨爲不佳

上人好事世莫當 圓覺要覽內有德智外有勝行在人之上日上人 羅列四寶

如文房廣交往往得奇物有墨尺度如圭長秋麋折角

膠與力春麝入臍煤生香 墨法松烟二兩丁香麝香乾漆各少許以膠水搜作挺火

烟上薰之 已將雪覆輕羅帕更令花映紅紗囊草堂老

人不自料 杜甫卜居成都西郭浣花溪作草堂 亦藏一餅誇精妙自言和

璧持贈君 韓非子楚人和氏抱其璞哭於楚山之下王使玉人理其璞得寶焉遂名和氏璧梁史高

晁具茨先生詩集卷三 二 海山仙館叢書

祖問陶宏景山中何所有嶺上多白雲只可自怡悅不堪持贈君 反爲燕石遭譏誚 闕子

宋愚人得多石以爲大寶華篋十重緹巾十襲視之者皆掩口而笑 嗚呼萬事孰不然古

今工拙那同調君不見當年諸李數不到庭寬只今賜

墨無老潘 墨經凡古人用墨多自製造故匠氏不顯唐之匠氏惟聞祖敏其後易水奚篋奚鼎鼐之

子超鼎之子起又有張遇陳斌江南則歙州李超超之子庭珪庭寬庭珪之子承浩庭寬之子承宴又有耿氏

宛州則陳氏宣州則盛氏皆世其家近世則京師潘谷歙州張谷

復以承晏墨贈之

我聞江南墨官有諸奚老超尙不如庭珪後來承晏復

秀出喧然父子名相齊 注詳見前 百年相傳文斷碎彷彿尙

見蛟龍背說文龍鱗虫之長蛟龍屬無角電光屬天星斗昏謝眺驚電夜舒光

雨痕倒海風雲晦却憶當年清暑殿官殿薄晉清暑殿在洛官劉禹錫團

扇復團扇奏君清暑殿黃門侍立才人見唐開元初改納言為黃門銀花灑落

金花賤索靖草書狀婉若銀鈎飄若驚鴻杜甫灑翰銀鈎連唐明皇賞牡丹以金花賤賜李白令進新

詞牙牀磨試紅絲研拾遺記紅絲石產土中其質紅黃紋如刷絲縈繞石面為唐彥獻所

寶同時書畫三萬軸唐李泌相肅宗代宗封鄴侯家積書至三萬軸次第甲乙皆懸以牙

籤大徐小篆徐熙竹書斷唐徐浩書多渴筆在書家為難世狀其書曰怒貌抉石渴驥奔

泉注渴筆枯墨也畫譜江南徐熙先落筆以寫其枝葉蕊萼然後傳色故骨氣丰神為古今絕筆所畫多在澄

心堂紙上郭若虛云諺稱黃筌富貴徐熙野逸蓋熙為處士志節高邁多狀江湖所有汀花野竹水鳥淵魚

晁具茨先生詩集卷三 三 海山仙館叢書

御題四絕海內傳李後主澄心堂紙李庭珪墨毛元銳筆龍尾石硯謂之四絕祕府

毫芒惜如玉漢書天下文籍悉在廣內祕府之室謂之祕書君不見建隆天子

開國初建隆宋太祖年號曹公受詔行掃除宋史帝遣曹彬伐江南克之振旅而

還舟中惟圖籍衣衾而已王侯舊物人今得更寫西天貝葉書釋典西域無紙以貝多樹葉寫經文又稱經文為梵葉曹

子建遊魚山聞空中梵音摹其節寫為梵唄

紀愁

北風吹我裳夏潦漂我屋曲禮水潦降注雨水謂之潦牛羊踐我稼

詩牛羊勿踐履雀鼠耗我穀戰國策黃雀俯啄白粒史李斯傳觀倉中鼠食積粟雪寒墮

我指前漢高帝紀帝擊韓信遂至樓煩雨淫疾我腹左會大寒士卒墮指者十之二三

天有六氣陰陽風雨晦明也分爲四時序爲五節過則爲雷陰淫寒疾陽淫熱疾風淫未疾雨淫復疾晦淫惑疾明淫

心疾 朝行桑榆間 東隅收之桑榆 秋序傷遠目莫

涉水之涯 書若涉大水 其無津涯 含沙中兩足 博物志江南射工

射人影 攬轡馬病黃 詩我馬玄黃 伏軾輿脫輻 易小畜九三

自進 陟山既見虎 說苑齊景公出獵上山見虎下澤見

賢而不知一知而不用二 還舍乃對鵬 史賈誼傳誼爲

用而不任三是不與焉 一沐三握髮 韓愈書周公之見賢

有鵬鳥集於舍止於 歸來分食無肉 先生昔離垢

坐隅因作鵬鳥賦 也方一食三吐其哺 先生昔離垢

方一沐三十飯九不肉 史孟嘗君傳彈缺 先生昔離垢

握其髮 華嚴經國名離垢琉璃爲地有八交黃金爲繩南史劉

慧斐字宣文隱居匡山於山北構園名曰離垢晝夜行

道孜孜不怠人欽慕 居士今耐辱 唐史司空圖居中條

之謂爲離垢先生 山不出作休休亭曰 飽聞戒畏塗 莊子畏塗者

量才一宜休端分二宜休居 十殺一人則 弟相戒 那知有沈陸 莊子方且與世違而心不屑與之

俱是陸沈者也 儲光羲王屋嘗遠 四兄諸人皆用屋字詩送一上人余獨留之

信狷犬護門 說文信狷犬吠聲 喔喔雞登屋 說文喔喔雞聲也 不疑故

人來但謂風敲竹孤僧雪中歸白馬度塹谷坐久飯食

訖 金剛經飯食訖收衣鉢洗足已跌坐而坐 尙說毛髮蕭吹燈燃溼薪 晉書

夜燃薪 我起子就宿 傳燈錄永嘉禪師謁六 明日且復

讀書 祖問答相契雷就一宿

晁具茨先生詩集卷三 四

海山仙館叢書

畱長安米如玉

李白白玉換斗粟黃金買尺薪蕪賦喜雨亭記使天而兩玉饑者不得以為粟

送一上人還滁州瑯琊山

一統志滁河在州城外源出廬州漢為全

椒阜陵建陽三邑地隋置滁州瑯琊山在城南十里

上人法一朝過我問我作詩三昧門

法華經如來知見廣大深遠無量無

碍力無所畏禪定解脫三昧深入無際成就一切未曾有法華嚴論鈔三之云正昧之云定亦云正受為正定不藝能受諸法憶持簡淨故名正受亦云等持平等持心趨一境故我聞大士入詞海發經淨名大士是

不起宴坐澄心源

指月錄須菩提宴坐空山禪波洞

徹百淵底法水蕩滌諸塵根

圓覺經根塵虛妄注六根六塵文選頭陀碑眼耳鼻

舌身意謂之六塵心經眼所見處耳所聞處鼻所嗅處舌所味處身所觸處意所思處謂之六根迅流

晁具茨先生詩集卷三

五 海山仙館叢書

速度超鬼國

寰宇記西南夷羅施鬼國漢屬牂牁郡禹貢荆梁二州之南境天文參井分野到

岸捨筏登崑崙

金剛經知我說法如筏喻者法尚應捨何況非法水經崑崙山在西北去嵩高

五萬里地

無邊草木悉妙藥一切禽鳥皆能言化身八

萬四千臂神通轉物如乾坤山河大地悉自說是身口

意初不喧世間何事無妙理悟處不獨非風幡

傳燈錄六祖寓

法性寺風動幡一僧云幡動一云風動六祖云風幡非動動自心爾羣鷺轉頸感王子

雜鈔

鷺頊善旋轉古之學書者法以動腕王羲之好鷺以此佳人舞劍驚公孫

法書苑顏魯公

與懷素同學草書於鄔兵曹嘗問師曰草書於師授之外須自得張長史觀孤蓬驚沙之外見公孫大娘舞劍始得低昂廻翔之狀兵曹有之乎杜甫風飄素練有飛昔有佳人公孫氏一舞劍器動四方

勢世說羊欣年十二王獻之愛之嘗夏雨注破屋空雷

痕日著白練裙晝寢獻之書數幅而去情法書苑懷素與鄔兵曹論書以古釵股對顏惜哉數

子枉立解但令筆畫空騰騫君看瑯琊釀泉上醉翁妙

語今猶存醉翁詳見卷一擬一上人向來溪壑不改色青嶂尙屬僧

家園君行到此知此意辨才第二文中尊語錄第二西

江一口盡可吸傳燈錄馬祖曰待汝一口雲夢八九何

勞吞子虛賦吞雲他年一辦爐中香宋陳思道字無已

一瓣香敬為曾南豐注曾此老與有法乳恩號後山詩曰向來

鞏號南豐後山之師也

晁具茨先生詩集卷三 六 海山仙館叢書



[Faint bleed-through text from the reverse side of the page, including characters like '晁具茨先生詩集卷三']

晁具茨先生詩集卷之三終

晁具茨先生詩集卷之四

古詩

和十二兄五首

一

淵明詩百篇無一不說酒四顧宇宙間獨與此物厚陶晉

潛傳淵明去彭澤令隱居栗里賦詩飲酒自高其志顏延年謚曰靖節徵士子雲苦家貧日

給或亡有艱難識奇草玄至白首時時載酒來尙賴

好學友漢書楊雄字子雲口吃而好沈思成帝時客有薦雄文似相如者獻甘泉長楊諸賦拜執戟郎

校書天祿閣家貧嗜酒好事者時時載酒問奇字鉅鹿侯芭嘗從雄學授法言又雄嘗草太玄經以擬易吾

晁具茨先生詩集卷四

一 海山仙館叢書

兄斯人徒性亦嗜醇西京雜記正月旦造酒八月成名曰九醞一名醇耐張載酒賦

中山夏啟寧知俗士嫌杜甫願展丈夫醜耐秋發益覺兒女醜杜甫願展丈夫醜

云醉無度婉婉原註一作婉婉春月柳晉書王恭美姿儀或曰之云濯濯如春月柳

區區布肉論遲速同一朽但看古聖賢得如飲者不

二

伯也今代豪說文長曰伯嗜詩如嗜酒賦多轉適勁語老愈

深厚塵言刪不存妙句元自有白華忽補亡詩序白華孝子之潔

白也注此笙詩關雎不爲首詩關關雎鳩在河之洲壘麓起兄弟

詩伯氏吹壘仲氏吹簫珠玉到朋友梁簡文答新喻侯曰垂示三首風雲吐於行間珠玉生於

字 哀吟詠九日菊菊譜韓琦在北門九日宴諸僚佐有詩咏菊云不羞老圃秋容澹猶有寒花晚

節香識者規公有晚操焉沈酣八月耐搜剔發清新聯翩雜奇醜詳

味訐謨章用思過楊柳但使身愈窮歐陽修世謂詩人多窮非詩能窮殆

窮者而後工也未信名可朽劉向學者崇名立身之本也不知造物意令作

清廟不詩於穆清廟

三

崎嶇謫仙人豪放一寓酒杜甫李白斗酒詩百篇長安市上酒家眠天子呼來不上

船自稱臣是酒中仙平生韓荆州未識意已厚李白生不願封萬戶侯但願一識韓

荆幙府強辟召此例未見有書幣入吾廬鞍馬望隴首

具具茨先生詩集卷四 二

海山仙館叢書

出處計已熟不復訊交友南山別何時氣尚若酣耐籌

策屈大才談笑誅小醜戍角斷落梅杜甫老夫聞悲角注軍器制之以司

昏曉李白笑坐金鞭歌落梅曲名有落梅花羌笛起折柳岑參屢聞羌兒笛

飛聲散入春風滿洛城此夜曲中聞折柳何人不起故園情將軍意未快戰

士骨已朽史記老子曰人與骨皆已朽矣請公入參謀可用和戎不左傳

晉侯欲伐戎魏絳言和戎有五利

四

先生翰墨英揮灑每被酒唐張旭善草書醉則狂呼而

既醒自視以為神不可復得氣陵蒼柱穹勢壓坤軸厚易坤厚載物博物志地有

三千六百軸
犬牙相制
俊拔今固無
墨藪褚遂良書字裏金生
妙

絕古未有
法盡妙又初造飛白妙尤絕倫
驚鸞忽矯

翼
說書草書之為狀也婉若銀鈎
蘇東坡

揮百紙盡駿馬倏忽踏九州
高步褚薛流
與來一

僧孺日中驅上駟驥首徧京宛
好事隨取之所至具

書
下視鍾王友
鍾繇魏人王羲之
晉人俱善書

名耐簡疎秦隸奇
書斷隸書者秦下邳人程邈所作也

雲陽獄中覃思十年益小篆方圓而得隸書三千字奏
之始皇善之用為御史以奏事繁多篆字難成乃用隸

趨便捷故曰隸書
誦怪夏篆醜
字源夏后氏

芝草
書斷漢張芝字伯英臨池學書池水盡黑
嫵媚元

和柳
元和漢章帝年號書法本象大篆之變為懸針為
薤葉為柳葉為剪股為鵝頭出後漢扶風曹喜

載觀碑籍存
後漢書蔡邕以經籍去聖久遠文字多誤
乃奏求正定六經文字帝許之邕自書丹

於碑使工鐫刻立於太學門外
尙恐金石朽
墨明鬼子

始成觀視模寫者車日千餘輛
未知太極成有請於公不
王獻之

腐蠹絕滅故琢之盤
孟鑊之金石以重之
傳太元

中 new 起太極殿謝安欲使獻之題榜以為萬代寶而難
言之以魏章仲將書凌雲殿榜諷之獻之曰仲將魏之
大臣豈
有此事

五

我家溱洧間
詩溱與洧
方渙渙兮
春水色如酒
王昌齡金
漣流春水
嵩少在

吾旁
西征記嵩山三十六峯東曰太室西曰少室
相去十七里其下皆有石室嵩其總名也
日夕

晁具茨先生詩集卷四
三
海山仙館叢書

意亦厚田園雖不廣幽興隨事有藥畦灌陳根蘇廣文陶公歸

隱白雲溪買得春泉灌韓愈松果連南藥畦元帝輕雨發陳根芋區採駢首亭外有瓜芋區春

郊餉耕徒秋社接酒友歲時記立春後五戊日為春社立秋後五戊日為秋社海錄碎

事俗傳社日飽誦傳家書促釀供客酌益知簡易真未嚙酒治耳聾

媿疎拙醜邇來居東都寰宇記唐以洛陽為東都物色不見柳後漢嚴光

傳光武以物色訪嚴造次遇摧折荏苒及衰朽潘岳荏苒冬夏

謝寒暑忽流易欲歸便可爾未知公果否

夷門行贈秦夷仲

君不見夷門客有侯嬴風史記侯嬴大梁人年七十隱夷門監者魏公子無忌虛左

見具茨先生詩集卷四

海山仙館叢書

以迎引為上客竊符奪晉鄙兵救趙大破秦師皆嬴策

之也寰宇記夷門在汴州城內一名夷山即侯嬴監守

處殺人白晝紅塵中京兆知名不敢捕倚天長劍著崆

峇宋玉大言賦方地為輿圓天為蓋長劍耿耿倚天外崆峒在汝州西南六十里盧貞碑略禹跡之內山名

崆峒者有三其一在臨洮其一在安定彼人亦各於其

處立廣成子廟而莊生述黃帝問道崆峒遂言遊襄城

登具茨訪大駟皆與此山接壤同時結交三數公聯翩

則臨洮安定非問道之所明矣

走馬幾青驄仰天一笑萬事空入門賓客不復通起家

簪笏原註一作筆明光宮江總簪笏奉周行注冠簪手笏貴者之服漢武帝求仙起明光宮發

燕趙美女二千人充之高適韓非傳龍喉下有逆鱗徑尺嬰之嗚呼男兒名重太山身如

畫圖麒麟閣入朝明光宮必殺人人主亦有逆鱗駱賓王欲葉手犯龍鱗心莫懼

容辭豹尾絨 一生好色馬相如 史記司馬相如蜀郡成都人字長卿以貴為郎

怨度龍鱗 因病免居茂陵家貧客遊臨邛時卓王孫有女新寡好音相如以琴心挑之文君夜亡奔相如相如與馳歸成

都家徒四壁立久之復如臨邛盡賣其車騎買一酒舍酤酒而令文君當壚相如自滌器於市中 慷慨

直辭猶諫獵 漢書武帝好自擊熊豕馳逐野獸相如上諫獵書

次四兄雪夜韻

夏蟲不知冰 莊子夏蟲不可以語冰者篤於時也 越犬不識雪 柳宗元文庸蜀之南

恆雨少日日出則犬吠大雪被南越中數州 我獨冰雪

犬皆蒼黃吠噬狂走者累日至無雪乃止 間肘見冠纓絕 莊子曾子十年不製衣正冠而纓絕捉衿而肘見 青燈挂長檠

韓愈長檠八尺空自 文字夜涉獵 前漢司馬遷傳其多疏略或有抵牾亦其

晁具茨先生詩集卷四 五 海山仙館叢書

涉獵者 問米米已無問酒酒已竭當時陶淵明 陶淵明詳見卷

六東陽 山入 同日無此闕置書忽不樂面壁臥嘔噎蟲犬兩

不如悲歌聊一發 地理志丈夫相聚遊戲悲歌慷慨

晁具茨先生詩集卷之四終

晁具茨先生詩集卷之四終

晁具茨先生詩集卷之四終

晁具茨先生詩集卷之四終

晁具茨先生詩集卷之四終

晁具茨先生詩集卷之四終

晁具茨先生詩集卷之五

古詩

書懷寄李相如

秋風吹畦蔬

杜甫畦蔬繞茅屋

農事亦已闌黃黃杞下菊佳色

尸冢間

陶潛秋菊有佳色含露摘其英魏志禰衡言語悼逆曹操怒送與劉表臨發衆為祖相戒日衡悼逆無禮今因其後至以不起折之衡至衆莫肯起衡大號衆問其故曰坐者為冢卧者為尸尸冢之間能不悲

我生復何如憔悴嘗照清晨戴星出

家語巫馬期為單父令戴星出薄莫及日還廣雅日初出為旭日在午暍髀入以理薄莫及日還日亭午日將落日薄莫

二十載老髮羞儒冠

儒服志進賢冠古緇衣冠儒者之服也前高七寸後三寸長八寸有

晁具茨先生詩集卷五

一 海山仙館叢書

五梁三梁兩梁一梁之別

謝莊氣霽地表博士則用兩梁崇儒也 天末有佳人

雲歛天末嵇康伊誰之勞 秀擢如芝蘭

家語與善人居如入芝蘭之室有懷佳人久而不聞其香與之俱化矣

慨然念夙昔風流得餘懽緬想蒲柳姿

南史顧愷之與簡文同年而早白問其故答曰松柏之姿經冬愈茂蒲柳之質望秋先零 與君同歲寒

薛令之只可保歲 一別事瓦裂令人氣如山

次韻集津兄會羣從王敦素宿王立之園明日西征馬上寄示諸人

原註以道嘗監陝府及津倉 秋高訪幽居風急桑未落天寒雞犬靜地僻門巷濶主人避世賢自說久棲泊

高適漁樵屢棲泊 呼兒出罇疊梨栗亦

不惡陶潛責子白髮被兩鬢肌膚不復實雖有五男兒總不好紙筆阿舒已三不識六與七通子學而不愛文術雍端年十三不識六與七通子

垂九齡但覓梨與栗天運苟如此且盡杯中物賓客四

五人談笑動林薄說文水曰林草曰薄夜闌慘無懼離憂倏中作

伯也天下士千金輕一諾史季布傳曹丘生曰楚諺曰得黃金百斤不如得季布一

諾足下何以得此聲名於梁楚間僕與足下俱楚人使僕游揚足下名於天下顧不美乎揮斥楊墨

徒正是鄒魯學如何但銀魚杜甫碧山學士焚銀魚白馬却走身巖居生事

了無託惜哉桃李姿唐史狄仁傑嘗薦姚元崇數十人俱為名臣或謂仁傑曰天下桃李

盡在公門見笑葵與藿曹植表葵藿之傾葉太陽雖不同光然向之者誠也雞鳴驅車

行令人意參錯

見具茨先生詩集卷五 二 海山仙館叢書

復至新鄉廨寄張程新鄉漢河內地今屬衛輝府

驅車出吾廬陶潛衆鳥欣有託吾亦愛吾廬落月猶在樹我行欲何之

所以河源去賈字記黃河故道自新鄉南入界北行與胙城相接去去益已遠炯

炯不可論羣語車鐸間尙想兒女喧稍涉原上路漸見

柳下村霧草結風露風林散朝暾杜甫絕壁上朝暾悠悠望蘧

廬莊子仁義先王之蘧廬也止可以一宿而不可以久處注蘧廬傳舍也我僕欣載犇昔

出日在畢月令孟夏之月日在畢今出壁中昏尙書注冬至日在斗昏中壁昔

如水上鷗何遜可憐雙白鷗朝夕水上遊何言異栖鳥雖住雄不畱孤飛出浦淑獨宿下滄洲東西

從此去影響絕無由今如檻中猿韓非說林置猿於柙中則與豚同注柙檻也所憂負

平生嵇康絕交書時時與 豈但感寒暄晉書王獻之與

親舊叙離闊說平生 問王氏優劣安曰少者佳吉人之辭寡也兄徽之操之俱

猗猗見淇園晚投伯氏解拓落復何言揚雄傳何爲官

偶貌 周覽故時居恹見松菊存陶潛三徑就 故侶未易招

且自置肴罇

洗馬次十一兄之道韻

霸橋春水波鱗鱗輿地志霸橋在長安城東霸水上漢

日詩思在霸橋 橋邊結束何圍人解鞍傍水入洗馬飛

龍九尺凌漪淪唐史劉從諫鎮澤潞獻九尺馬武宗不

納周禮馬八尺以上爲龍七尺以上爲 見具茨先生詩集卷五 三 海山仙館叢書

騷六尺 風鬚霧鬣才一沐梁元帝書風鬚 玉花照影光

滿身玉花詳見卷 月題却貫黃金勒莊子加之以衡扼

額當顧如月形者周王褒謝賚馬啟黃 更覺閃艷開精

金作勒足度西河白玉爲鐙方傳南國 神相馬經馬眼欲紫艷光杜甫毛爲

特賜內廐天麒麟卽今此物亦安用燕山萬里胡無塵

寶憲傳精騎萬餘與單于戰於稽莎山大 嫋姚功高自

不出長鳴但踏城西春前漢霍去病傳 君不見少陵時

已無伯樂杜臆長安城東有霸陵文帝所葬霸南五里

十餘里又有一陵差小許后所葬謂之少陵其東卽杜

曲陵西卽子美舊宅自稱少陵野老以此春秋後語蘇

代欲見齊王說淳于髡曰人有駿馬欲賣之見伯樂曰
比三旦立於市人莫與言願子還而視之去而顧之臣
請獻一朝之價伯樂如其言一旦而馬價十倍今臣欲
以駿馬見於王莫臣先後足下有意爲臣伯樂乎請獻
白璧一雙黃金十鎰以爲馬食髡言
於王而見之注馬食不欲斥言之
尚有曹將軍寫真
明皇雜錄曹將軍霸善繪畫時稱神妙杜甫在韋諷錄
事宅觀曹將軍畫馬作引云將軍得名三十載人間又
有真乘黃又天育驃騎歌故獨
寫真傳世人見之座右久更新

覽古

遙岑不娛人蒼莽頗愁絕東南有斷梁

國語澤不
梁川不梁

水寒

不可涉西闔不欲往

李白蒹葭分聚
落烟火傍城闔

且莫畏喋褻

說文
喋多

言也史記作謀歸來坐北堂悠然理書策之人阿堵中

晉顧愷
之傳傳

晁具茨先生詩集卷五

四 海山仙館叢書

神寫照正在阿堵中注謂眼也

雖死情不隔周公徂東山

詩我徂
東山

仲尼

陳蔡厄大儒且不遇

前漢酈食其傳酈生上謁沛公使
者入通曰狀貌類大儒衣儒衣

小子何足責

南史王爽嘗與會稽王道子飲道子醉呼
爽爲小子爽曰亡祖長史與簡文帝爲布

衣交何得時命姑置之胡爲常促迫

戲李相如攜婦還金鄉

地志金鄉縣名
在山東兗州府

舍人固多奇奉璧登章臺

奉璧詳見卷二同魯山舍人
謂蘭相如也漢揚雄解嘲蘭

生收功於章臺四皓采榮於南山注章臺秦
宮名在渭南楚王西至咸陽朝章臺卽此

君王擊缶

罷史記秦趙會於澠池秦王曰聞趙王好音請奏瑟趙
王鼓瑟秦御史書曰某年月日秦王令趙王鼓瑟蘭

相如日聞秦王善爲秦聲請奏盆缶秦王不許相如日
五步之內請以頸血濺大王矣左右欲刃相如相如張

目叱之左右皆靡秦王不擇爲一擊至相如將軍負荆
召趙御史書曰某年月日秦王爲趙王擊缶將軍負荆
通鑑趙王歸國以相如爲王卿位在廉頗右頗曰我
來爲趙將攻城野戰相如素賤位居我上吾羞不忍爲
之下見必辱之相如不與爭列出望見遊匿人皆以爲
取相如曰子視廉將軍孰與秦王曰不若相如日以秦
王之威相如叱之獨畏廉將軍哉顧秦不致加兵於趙
以吾兩人在也今兩虎共鬪勢不俱存吾所以爲此者
先國家之急而後私讐也廉頗聞之肉袒負荆至門謝罪
長卿束髮時四夷門行
亦復悅名字通鑑孫策謂虞翻曰華子魚自有名字注
華子魚名歆自有名字言其名聞當時也

一從臨邛遊心迹了不似茂陵未得仕要是才足依高

堂援哀琴月出載婦歸文君入成都乃復愧四壁晚見

負弩來良悔抱頸泣前漢司馬相如傳拜相如爲中郎
將馳四乘之傳因巴蜀吏帶物以

晁具茨先生詩集卷五

五

海山仙館叢書

賂西南夷至蜀太守以下郊迎
縣令負弩矢先驅蜀人以爲寵

晁具茨先生詩集卷之五終

晁具茨先生詩集卷之六

古詩

次韻王立之雪中以酒見餉

朔雪慘慘驅朝暄

杜甫昨夜秋風入漢關朔雪邊雪滿西山陶潛慘慘寒日

龍沙一

尺人相憐

後漢班超贊咫尺龍沙注沙漠也梁裴子野飄飄千里雪條忽度龍沙

寒猿哀

嘯失山木

淮南子猿狖失木而擒於狐狸非其處也

饑鶴仰喚空舞天

杜甫獨鶴

不知何處舞李白華亭唳鶴詎可聞曹毗玩雲間之舞鶴

當年補天真戲爾

淮南子西陽雜俎鄭本仁女媧氏

練五色石以補天

不知修月何時已

表弟遊嵩山見一

人枕幙呼之其人曰君知月乃七寶合成乎月勢如九其影則日燠其凹處常有八萬二千戶修之因闕幙有

晁具茨先生詩集卷六

一 海山仙館叢書

斤斧鑿數事

而裹玉屑 坐煩著舊說辛卯

韓愈辛卯年雪詩元和六年春寒氣不肯歸河

南二月未雪花一尺

至遣兒童憂甲子

農圃春秋冬甲子雨雪飛千里

城中心價貴如玉

米如玉詳見卷三四兄諸人

舉家倒廩無斗粟

通鑑

王莽末天下旱連歲穀不成建武元年黃金一斤易粟一斗

千金狐裘豈易得

叔孫

千金之裘非一狐之腋也

百結鶉衣不堪驚

家語子夏之衣懸結為鶉逸士傳董威隱居白

社以錢絮縷帛為衣號曰百結衣

我生但識茅與菅

詩英英白雲露彼菅茅

何曾

過眼逢瑤瑤

陸機金雀垂藻翹瓊珮結瑤瑤

辱君新詩問所似

李嘉祐蕭條史

人散小謝有新詩世說謝安雪日內集兒女講論文義俄而雪驟公欣然曰白雪紛紛何所似兄子胡兒曰撒

鹽空中差可擬兄女曰未若柳絮因風起公大笑為樂

欲辨不敢非忘言

陶潛此中有真

意欲辨

已忘言 開壺酌酒澆我習

陶潛引壺觴以自酌世說王

如大日阮籍習中磊

酒酣起舞顏為紅

史高帝紀父老

會見東風掃冰雪

月令東江

梅塞柳煩春工

風解凍

東陽山人僻居

我家京洛間

寰宇記洛陽為自古帝王建都之地故

玉資薄產

戰國策蘇秦之楚三日乃得見王辭去曰楚

難得見如天帝今臣食玉炊

平生邱壑心

謝餞以君方

水竹不滿眼

晁具茨先生詩集卷六 二

海山仙館叢書

數行書懶性

清晨有客吳中來山川指授收奇才

蜀諸

從來水竹居

後漢趙壹傳壹字元叔舉郡

下奇才 笑談長揖波浪下

上計吏到京師司徒袁逢受

計壹獨長揖逢讓之曰酈食其長揖

懷抱遠承

原註一

莫士今揖三公何遠怪也逢奇之

東陽山人高華隱

宋史

崑穴開 前漢司馬遷傳次之不能

陳搏號希夷先生隱居華山宋太祖召之謝表曰九

重仙詔休教丹鳳啣來一片野心已被白雲隔住 豪

倅持身復修謹 前漢趙廣漢傳杜建素豪俠李林甫外

此有何樂李怒明日又復言之林甫意其異人請自此

修謹不 傍山多闢黍稷田 晉左思夾江傍山月令仲夏

澤合田悉合種秣妻子因請種粳乃使一頃五十畝種

秣五十畝種粳說文黍為五穀之先詩緝黍有二種黏

者為秫不黏者為黍碧溪東流及春醞杜甫碧溪遙艇潤風土記

珠連波泛瀾澈神清溪南一畝當翠微翠微詳見卷二送王敦素秋風蕞熟菰

葉肥世說齊王同辟張翰為大司馬東曹掾因秋風起

官數千里要名爵乎遂命駕歸俄而齊敗時人以為知機龜魚上帶藻荇動鷗鷺下

拂芙蓉飛野塘亦新築謝元暉桑榆陰道周注陰去聲覆也溪山共

作窗中綠諸郎年少皆知書子夜哦詩動修竹劉賓客嘉話錄

綯曰五夜者甲乙丙丁戊更相送之今惟言乙夜與子夜何也公曰未詳歲時冠蓋如浮雲

擊鐘鼎食江淮間杜甫鐘鼎山林各天性濁醪麤飯任吾年注擊鐘而食列鼎而烹富貴人

之事也愛山自比謝康樂晉史謝元暉封康樂公孫靈運襲其封世稱謝康樂性喜遊覽

晁具茨先生詩集卷六 三 海山仙館叢書

每尋山陟嶺必造幽峻巖嶂常着木屐上山則去其前齒下山則去其後齒好土不減春申

君史春申君傳楚黃歇封春申君好土門下有客三千人其上客皆躡珠履以見趙使我欲浚溪

揚小楫亭邊共醉藤蘿月杜甫請看石上藤蘿月已映洲前蘆荻花叩門夜

訪君家時扁舟重載山陰雪晉書王子猷居山陰雪夜眠覺開室酌酒忽憶戴安

道即乘船訪之於鄉溪經宿方至既造門便反曰乘興而來興盡而反何必見安道耶

謝沈次律水枕

沈侯筆力鼎可扛韓愈文章自娛戲金石日擊撞龍文百斛鼎筆力可獨扛左手截

取吳淞江形勝志松江古名吳淞江折流來此一尺枕指麾巨鰐回

濤瀧史韓信傳雖有舜禹之智默而不言不如濤聲之指麾也異物志潮州惡溪之潭有鰐魚齒如刀鋸

大者長二三丈四足如守官韓愈有徙鱷魚文後徙於
西海六十里說文大波曰濤龍奔湍也韓愈表濤瀧壯
猛平生性不好長物晉書王恭以簾送王沈曰吾平生

無長舉以遺我嗟無雙呼兒快取斬箇簾韓愈湘簾詩

物焉下知一府傳看黃琉璃卷送八尺含風漪掃除塵榻移當窗
白帖褚淵詣虞願不在見榻上

積塵埃有書數卷嘆曰虞君隨眠置我丘壑裏
丘壑詳見東陽

山始信孫郎真枕水世說晉孫楚字子荆少時謂王濟
曰當枕石漱流誤云漱石枕流濟

流欲洗其耳漱石欲礪其齒我生不出長安城四十

二年塵駟耳頌君此枕何瀟然水經瀟者睡起醒心如

一洗杜甫山驛醒心泉

簡江子之求茶

政和密雲不作團小夸寸許蒼龍蟠括地志政和建州

建州造密雲龍茶韻府茶之品莫貴於龍鳳團蔡縣各宋史神宗詔

君謨始造之進御南郊致齋中書樞密各賜一餅金花

絳囊如截玉綠面彷彿松溪寒括地志松溪建州縣名產茶人間此

品那可得三年聞有終未識老夫於此百不忙飽食但

苦夏日長北牕無風睡不解陶潛北窗高卧自謂羲皇上人齒頰苦澀

思清涼食論茗飲悅志有力解渴醒酒令人不眠故人新除協律郎談藪協律郎蕭

悅善畫竹工甚樂天有畫竹歌交游多在白玉堂玉堂詳見卷三贈法一墨揀芽鬪

夸皆餽嘗茶歌先春抽幸為傳聲李太府煩渠折簡買

晁具茨先生詩集卷六

四 海山仙館叢書

頭綱茶錄福建貢茶計綱以進趙宋時第一綱團茶王卽賜羣臣

贈張琪君章

春風頗清識評議登草木燕麥與菟葵劉禹錫集禹錫至京師詩曰紫陌紅塵拂面來無人不道看花回立都觀裏桃千樹盡是劉郎去後栽後十四年復遊玄都觀無復一株惟燕麥菟葵動搖春風耳因復作詩云百畝庭中半是苦桃花淨盡菜花開種桃道士歸何處前度劉郎今又來注燕麥似稗稍長有細米山吹有種種種承標目如何桃李姿結根滯空谷我將俎豆之莊子畏壘之民欲俎豆于賢人之間注畏壘俗多晒衣阮咸曝大布犢鼻褌曰未能免俗聊復爾爾

晁具茨先生詩集卷六 五 海山仙館叢書

效古別昭德羣從

十載一相逢相見無浹旬左傳浹旬之間克楚三都注十二日也一生能

幾別且復無此身老子吾有大患者為吾有身及吾無身吾有何患昔別尚可

惜此別重惜之兩髀跨鞍馬三國志劉備不離鞍髀裏肉消今不復騎髀裏肉生

非復少壯時杜甫可惜歡娛地都非少壯時它人怪康強自覺筋力衰

所苦氣如縷杜甫流汗卧江亭更深氣如縷所憂命如絲死生亦大矣

莊子死生亦大矣而不得與之變而乃常別離楚詞悲莫悲兮生別離樂莫樂兮新相知人

生一月間得笑無六七朝為眾狙喜莊子狙公賦芋曰朝三而莫四眾狙

皆怒曰然則朝四莫作枯魚泣樂府枯魚過河泣何時還復入已矣泉

而莫三眾狙皆喜

下人杜甫借問宗黨
間多爲泉下人優哉冢中骨

晁具茨先生詩集卷六

六

海山仙館叢書

晁具茨先生詩集卷之六終

晁具茨先生詩集卷之七

近體

睡起

素屏紋簟徹輕紗

魏史毛玠為典選帝賜以素屏風素之器晉東宮故事有赤花雙紋簟

梁元帝穀衫迴廣袖團扇掩輕紗

憑几曰君有古人之風故賜以古人睡起冰盤自削瓜

黃圖董偃以水晶為盤貯水同色侍者謂水無盤必融濕席誤拂盤墜碎文天祥削瓜詩拔出金佩刀切斷蒼

玉瓶千點紅馬

風箏微微開綠籜

蕭琛春筍方解籜

落黃花

宋書槐樹秋日開花正舉子應試之候故宋時俗諺曰槐花黃舉子忙

經營薄產

初無意

唐張家貞不營家產有勸之者曰比見朝士唐占良田身沒之後適足為無賴子弟酒肉之資

晁具茨先生詩集卷之七

海山仙館叢書

吾不補葺踈籬漸有涯

杜甫江上人家桃樹枝春風細雨出踈籬莊子吾生也有涯

待得高秋彗靖老臨流坐石問丹砂

道家言服九轉丹砂者為地丹仙

送韓溫父

東風未曉放船行臥唱陽關出渭城

前漢西域傳匈奴東則接玉門陽關

西則限以葱嶺王維渭城曲願君更盡一杯酒西出陽關無故人崔湜那堪音信斷流涕出陽關漢書在渭城

故咸陽高節元年更名新城武帝元鼎三年更名渭城括地志渭城在雍州東五十里

老去與人渾

惜別不知何處可忘情

晉王衍傳衍喪幼子悲甚謂山簡曰聖人忘情最下不及情情

之所鍾正在我輩簡亦為之慟

和匹兒以道閑居感歎有作

掩卷忽不樂捫心空浩嘆家聲畏淪墜

梁任昉傳四子並無術業墮其

家世態屬艱難

江總集百王既季運屬艱難

聲之時豈才學顯著貴重朝廷常車騎

後漢蔡邕見王粲而

墳巷賓客盈坐聞粲在門則倒屣迎之

風彈挂壁冠書

王陽與貢禹為友陽為益州刺史禹聞之彈

其冠以待陽薦陽薦禹於成帝召為大夫

竹一笑其衰殘

復次韻

出門吾所懶無客亦何嘆舉世遽如許孤風良獨難荒

蕪蔣詡徑

世說蔣詡歸杜陵於竹下開三徑惟故人求仲羊仲從之遊

禮記晏子澣衣濯冠以朝難乎為下

桓冲傳冲謂徽之曰卿在府日久比當相料理

晁具茨先生詩集卷之七二

海山仙館叢書

徽之不答直高視以手板拄頰云西山朝來致有爽氣

書籤記讀殘 唐史李必為

書用紅牙籤史書用絲牙籤子書用青牙籤集書用白牙籤

寄江子之

平生江季子疎嬾近忘吾不啻三年別如何一字無燒

丹啣樓令

列仙傳葛洪字稚川求為啣樓令煉釀酒步丹砂食之尸解仙去啣樓一作句漏釀酒步

兵厨

晉書阮籍聞步兵厨營人善釀有財酒三百斛乃求為步兵校尉

二者將安擇功

名莫浪圖

次四兄

以道韻效李義山雪

莫冬一丈長安雪

縣道記長安縣故城今謂之苑城漢京兆府在故城內尚冠里長安蓋古

鄉聚名在渭水南，隔渭水北對秦威。陽官漢於壯士臨，其地築未央宮，謂大城曰長安。城五年始置。

風獨慨慷，謝莊臨風嘆門巷，豈無騎馬客。天寶遺事王仁裕每大雪

則自所居至坊巷門，掃雪開徑迎。江湖猶有捕魚郎。柳宗

賓客至所居處飲，宴謂之煖寒會。元千山鳥飛絕，萬徑人踪滅。

孤舟蓑笠翁，獨釣寒江雪。夜平蔡賊兵，輕敵唐史吳元濟叛

李愬用計，夜襲之。會大雪至城下，曉入梁園賦擅場。謝惠

連雪賦，歲將暮時，既昏寒風積愁雲，繁梁王不悅，遊於

苑園，乃置有酒命賓友召鄉生，延枚叟相如，未至居客

之右，俄而微霰零密雪，下王乃歌北風於衛詩，咏南山

寄江子我

晁具茨先生詩集卷之七三 海山仙館叢書

首缺 三字 秋 日情親四海兄，只應常折柳，何必更班荆。老把

缺二 字 爲活遙將月，伴行功名君莫嬾，吾病負平生。

戲成

長夏軒牕倚碧岑，杜甫自我登隴首十年經碧岑人間塵土莫相侵。榴

花不得春風力，顏色何如桃杏深。花史榴本出塗林安石國漢張騫使西域

得種以歸，故名安石榴。元微之何年安石國萬里貢榴

花，絲葉裁烟翠，紅英動日華。新簾曙透影，疎牖燭籠紗。

委作金爐焰，飄成玉砌瑕。乍驚珠綴密，終誤繡幃斜。

琥珀烘梳碎，胭脂嫩撥風。飄一樹火電轉，五雲車

和子我晚歸 七里灣頭宿鳥飛，六家店上行人稀。渡口有船招不得

歸來稚子候柴扉

懷蘇門山

輿地志蘇門在河南衛輝府孫登隱居於此阮籍訪之不答一語籍退聞

山巔有鸞鳳音乃登嘯聲也

昔在新中日蘇門歲一游石連沙鑿鑿

詩白石鑿鑿

水遶竹

悠悠

杜甫懶性從來水竹居

丘壑從茲得

丘壑詳見卷十二僧舍小山

江山及

此不吾衰思卜築城闕恨淹留

詩在城闕兮

二十一兄

季此生女有詩次韻

金盤滿貯華清水

張諤岐王宅詩玉女貴妃生嬰婉始發聲金盤浴未了綉子繡初成翡翠

雕芳褥直珠帖小纓何時學健步關取落花輕寰宇記驪山下有溫泉唐太宗建華清宮於其上

看浴

晁具茨先生詩集卷之七四

海山仙館叢書

蘭芽玉雪容

韓愈路媻抱笏子立側睂眼如畫玉雪肌肉瑤環瑤瑤蘭茁其芽稱其家兒也

自是迺翁懷直道還為健婦有家風

古樂府健婦特門戶勝一大丈夫

樹從此日栽成後酒到他年釀熟中

南史王敬宏女適孔淳之子遂以

烏羊繫所乘車轅提壺為禮至便飲酒盡歡訖莫而歸或怪其如此答曰固農夫田婦之禮也

乘買嫁

資揮百萬不愁婚與貴人通

唐史山東士人多世族後雖衰其子孫猶負世望凡

嫁娶必多邀錢幣故人謂之賣婚

决道念八弟得小金印以詩贈之

夫之

季也獲金印籀文秦不如

書斷周宣王太史籀作大篆漢書藝文志載史籀十五篇

是也世因謂之籀書凡九千字至秦李斯增損大篆異同籀文謂之小篆情知非鬼篆恨不

識天書岑參音翻四句池靜龜遊罷會稽錄孔愉嘗至

人籠龜於路偷求買放之至水反顧及愉封此亭侯鑄

印龜首廻曲三鑄不正是有似昔所放龜頓悟乃取佩焉

注列侯印庭閑鵲鬪餘搜神記後漢張顛為梁州刺史

黃金龜鈕庭閑鵲鬪餘有山鵲飛翔化為圓石顛椎破

之得金印文春風還舊物疎後獨憐渠

日忠孝侯印

夜坐

入夜暑氣薄輝輝星滿空鈎簾倚新月却扇受微風

瘳渴幾時愈西京雜記相如素有消渴浮檣何處通浮槎

卷一古輕生一快意波浪五湖中

樂府

和人遊李文和園

晁具茨先生詩集卷之七五

北李園池推甲第前漢霍光傳宣帝西岡人物復諸生

史叔孫通傳通朝儀成因進曰諸弟子儒乘鸞此地回

生隨臣久矣與臣共為儀願陛下官之

綠嶺列仙傳王子晉好吹笙作鳳鳴遊伊洛間遇浮丘

人去又梅福棄妻子結廬飛鴻走馬何人出大明唐書

山修煉丹成乘青鸞飛昇而去

八年營大明宮為六月火雲無復暑呂氏春秋山雲草

上皇清暑之所

烟火雨雲水氣無不比類其所生以百年水木有餘清

示人盧思道納涼賦火雲赫而四舉

敢陪賓客追前輩知子能詩近得聲

晁具茨先生詩集卷之七 終

晁具茨先生詩集卷之八

近體

送僧

無端伏枕日

詩寤寐無爲 輾轉伏枕

不見放舟時晚得平安報

西陽

雜俎李衛公守北都惟童子寺有竹一窠纔長數尺相傳令其寺綱維每日報竹平安

初成送別

詩山浚歸履急

見梁帝不狎潛上嵩山少林寺面壁九年端居而逝葬熊耳山魏宋雲使西域回遇師於葱嶺見手攜隻履翩翩而逝雲問師曰西天去又謂雲曰汝王已厭世矣雲聞之茫然別師東歸暨復命明帝已升遐迫孝莊卽位雲具奏其事帝令起墳棺中惟一隻草履存焉

江潤度杯遲

高僧傳杯度僧不知其姓名常乘木杯度河不修細行不甚精持飲酒食

鬼具茨先生詩集卷之八一
海山仙館叢書

肉與俗人不異

定許同香火終參慧遠師

高僧傳慧遠雁門人杖錫廬山東林寺與

劉遺民輩十八人結白蓮社惟淵明至則許飲酒

樂府二首

病來飲不敵羣豪

李白英風陵四豪吳志潘璋好

笑岸

紗巾卸錦袍

後漢光武紀岸幘迎笑又晉謝奕在桓溫座岸幘笑詠無異常日隋唐嘉話武后遊龍門命羣官賦詩先成者賞錦袍左史東方虬既拜賜坐未安宋之問詩復成文理兼美左右莫不稱善乃就奪袍

衣之一座空煩春筍手

王安中春筍綠催觴

玉盃酪贈櫻桃

子世家箕子嘆曰彼爲象箸必爲玉杯栝與盃同說交醪乳漿也白樂天櫻桃樊素口楊柳小蠻腰

自摘除醮滿架空歲時記醮本酒名以花色似之故名俗又作紫釐擬將豪氣
敵春風欲知蓋面玻璃濶西寶國玻璃千年冰化稱曰冰玉看照紅顏
在酒中

傷心原註時籍潞公宅

沙路朱轎想馭軒唐故事凡拜相禮絕班行府縣載沙填路自私第至子城東街名曰沙堤
白帖皂蓋朱轎在漢二千石車朱兩轎傷心歲月似星
千石至六百石朱左轎增額車箱曰軒賈氏談錄李衛公
奔杜甫西南失大平泉有壑空流水德裕平星莊周圍
將商族自星奔十里堂樹百餘奇花異綠野無人但繞垣唐書裴度居
草珍松怪石靡不畢致東都作綠野
堂與劉白諸洛陽故事白居易晚節
公樂飲其中自稱香山居士嘗與胡

晁具茨先生詩集卷之八二

海山仙館叢書

杲吉收劉真台鄭據盧慎張渾李元爽僧如滿九人結
香山社人慕之為繪九老圖文彥博傳公留守西都時
富鄭公以司徒致仕公慕香山九老會乃集洛中年德
高者為耆英會就資聖院建耆英堂命閩人鄭奐繪像
堂中凡十三人文富二公暨席汝言王尚恭趙丙劉
幾馮行已楚建中王慎言張問張燾王君貺司馬光
朝書史載殊恩宋史文彥博字寬夫介休人進士及第
與富弼並命士夫相賀於庭公立朝端重顧盼有威勢
丹使望見改容拱手曰天下異人也官至太師封潞國
公年九十二論忠
烈入子皆愿要官如何巧者持饒過已向比隣問子孫
韓愈巧者王承福傳曰吾操饒以入富貴之家有年矣
有一至者焉又往過之則為墟矣有再至三至者焉而
往過之則為墟矣問之其隣或曰刑戮也或曰身
既死而其子孫不能有也或曰死而歸之官也

怡軒贈王次翁

先生骨老勁如松柴米辛勤只自供每笑燃萁何太急

魏志文帝嘗令東阿王植七步中作詩不成者應大法植應聲曰煮豆燃豆其豆在釜中泣本是同根生相煎何太

急應憐春粟不相容前漢淮南王厲高祖少子也有罪文帝徙之於蜀在道不食而死

民歌謠云一尺布尚不可縫一斗粟尙可舂兄弟二人不相容雖能有弟同斯樂忍使

無兒繼此蹤原註次已約伯兄同卜築連牆投老願相

從列子與南郭子連牆二十年不相識後漢仇覽守寡養孤苦身投老

亭成

故里佗年隱新亭此日成江山俱有助草木盡知名原缺

十三 與便願許從諸生

晁具茨先生詩集卷之八三 海山仙館叢書

晁具茨先生詩集卷之八三

短晷催長至晉潘岳何微陽之短晷覺長夜之方永禮記日長至陰陽爭死生分君子齋戒處必

掩新晴改故陰風霜游子鬢節序異鄉心合坐呼盧轉

晉劉毅傳毅携菹大擲數百萬餘人並黑獺惟毅得雉

大喜褰衣繞床呼曰非不能虛不事此耳劉裕因授五

木曰老兄試為鄉答既而四子俱黑一子轉躍未定裕

厲聲喝之即成盧毅殊不快注右者烏曹作博以五木

為子有梟盧雅分曹舉白深漢食貨志通分遣御史廷

獺為勝負之采分曹舉白深尉正監為曹綏傳引滿舉

白百年家魏闕莊子身在江湖之下存沒一沾襟孟浩然

字在讀罷孟浩然淚沾襟孟浩然贈山人沈廣漢

禪房白几靜無塵

李白心垢都已滅永言題禪房白几詳見卷七睡起

野服黃冠

意甚真

禮記野夫黃冠而草服

避世全生淡得策

前漢東方朔為郎酒酣據地歌

日陸沈於俗金馬門宮殿中可以避世全生何必淡山之中蒿蘆之下註陸沈言人中隱者譬如無水而沈也

閉門謝客亦高人

謝絕賓客雖親戚不得妄見也

情斷酒非關病

晉吳衍好飲酒忤權貴遂戒阮宣命飲衍曰近斷酒宜以拳歐其背曰看看

老癖癡漢忍斷杯中物耶梁沈約字休文性不嗜飲善病

隨意收書不計貧

呂崑白酒釀來

緣好客黃金散盡為收書

近約嵩陽陳叔易趁移丹竈過殘春

江淹守丹

竈而不願煉金鼎而方堅杜甫故園猶得見殘春

龍興道中

輿地志唐證聖中分郟城東南地置武興縣神龍元年改為龍興宋易為

晁具茨先生詩集卷之八四

海山仙館叢書

寶豐縣

屬汝州

澗道垂黃花山城擁紅葉人爭小舟渡馬就平沙涉

杜甫

地澗平沙岸

敦素有以書局處之者作詩迎之

君王側席訪詞臣

會要宋太祖常諭蘇易簡曰詞臣清美朕恨不得為之

萬里江

湖賀季真

唐史賀知章字季真四明人陸象先嘗曰季真清韻風流吾一日不見則鄙吝生矣官集

賢學士善行草書好事者每具筆研以從即十數字世傳為尺璧也天寶初夢遊帝居數日寤乞歸賜鑑湖剡

川一曲詔令供帳都門百僚祖餞上作詩贈之自號四明狂客翰苑向來非此老道山

何處得斯人朝回金馬門前曉

史記金馬門者宦官署門也門旁有銅馬故名

揚雄待詔

宴罷銅駝陌上春

銅駝陌詳見卷二同唐山觀險石

底事年

年最如意春風還試絲衣新

絲衣詳見卷十積善堂詩

立春

巧勝金花真樂事

夢華錄立春日剪綵為幡勝賜百官士庶家俱以絲幡綴於首飾花枝之

上或剪為春蝶等以贈遺

堆盤細菜亦宜人

四時寶鏡立春日春餅生菜號春盤杜甫春日

春盤細生菜忽憶兩京梅發時盤出高門行白玉菜傳纖手送青絲

自慚白髮嘲吾老

錄蘇東坡立春日亦簪幡勝過子由諸子姪笑指云伯伯老人亦簪幡勝耶

不上譙門看打

春夢華錄立春前五日並造土牛耕夫犁具於大門之外是日黎明有司為壇以祭先農官吏各具絲杖擊牛者三以示勸耕又開封府進春牛入禁中

鞭春又府僚打春府前百姓皆買小春牛

晁具茨先生詩集卷之八五

海山仙館叢書

和集津兄謝王立之紅絲花

故園桃李秋搖落掃地無花可惱公

唐李賀昌谷集詩題有惱公注當作

惱天近說城南王子妓亦持紅拂劇西風

唐史李靖謁裼素一妓執

紅拂侍側目靖靖歸夜有紫衣戴帽人叩門延入乃一美女也告曰妾楊家紅拂妓絲蘿願託喬木乃與俱適

太

又次韻謝王立之惠紅絲花

老來嗜酒無賓主我醉應眠不遣卿如許此花同九日

為君採掇笑淵明

原註九日採菊花未免俗爾

謝任伯久無書常子然寄茶謝之因簡任伯

諫議茶猶送郎官迹已疎斜封三道印不奉一行書唐盧仝謝孟諫議寄新茶日高丈五曠正濃軍將打門驚周公口傳諫議送書信白絹斜封三道印

客有駕馬不肯借作詩謂之

胡兒少欲立奇功劉長卿三十擁旄誰不羨周郎少小立奇功 貴買西宛玉

面驄史記大宛有善馬在貳師城匿不肯與漢使天子既好宛馬使壯士持千金以請宛王善馬宛國不與漢使怒妄言椎金馬而去宛貴人怒攻漢使天子大怒拜李廣利為貳師將軍發屬國騎及郡國惡少年數萬人以伐宛期至貳師城取善馬韻 金蹶蹶微鳴躡影

府唐明皇六馬滾塵圖最愛玉面驄

錦連錢一作錦連乾 不動追風吳均蹶蹶青驪馬在戰城南畿台今注秦始皇有七名馬

一追風二白兔三躡影四追電五飛翾六銅雀七晨鳧

樂府鐵驄金面青連錢梁元帝長安美少年金絡飾連

晁具茨先生詩集卷之八

海山仙館叢書

錢宛轉青絃鞞 庭槐洗立清陰下沙路調行返照中出

照曜珊瑚鞭 郭借人乘豈肯自誇騎入大明宮地理志大明宮在禁苑東南本永安宮貞

觀入年改曰大明宮 以備太上皇清暑

晁具茨先生詩集卷之八終

晁具茨先生詩集卷之九

近體

自然詩 并序

七里先生江子我築土三尺名曰自然亭余謂先生不獨有亭亦有自然箕斗自然絲麥凡亭之內服食器用無不自然者先生可謂自足者也雖然無乃多虛少實乎子我掀髯大笑余欣然賦之

先生手不廢經營

詩經之營之注量度也東西為經週迴為營

白屋憑虛結

此亭

前漢蕭望之傳今一見者皆先露索挾持恐非周公躬吐握之禮致白屋之意注白屋賤者所居也

晁具茨先生詩集卷之九

海山仙館叢書

蘇軾文憑

燕麥菟絲侵密坐

燕麥詳見卷六贈張琪本草蘇頌曰菟絲草名夏生

虛御風 苗初如細絲遍地不能自起附他草梗則纏繞而生

南箕北斗挂疎櫺

詩維南有箕不可以挹酒漿

籟揚維北有斗

青松夾日交頌蓋

玉策記千載松樹枝葉四邊披起上抄不可以挹酒漿

長望而視之

翠柏分風倚列屏莫道君家無長物

長物詳見

有如偃蓋

案頭燈火有流螢

續晉陽秋車允字武子學而不倦家貧不常得油用

卷六謝沈 次律水枕 練囊盛數十螢 火以夜繼日

避暑普淨院

天矯栢如龍

南齊書東陽徐伯珍宅南九崑山多龍鬚栢蘇軾拏雲濯雨屈虬枝

清幽闕

一宮庭無御史雨

唐顏真卿傳真卿為御史雨辨獄而兩人呼為御史雨

門有大王

風宋王楚襄王遊於蘭臺之宮曰壯哉此風此寡人與庶人共者也宋王曰此獨大王之雄風耳庶人安得共之徜徉中庭上玉堂清清洽洽發明耳目此大王之雄風也激溷鬱邑歐温致濕此庶人之雌風也
今日名天下羣公坐此中阿戎相就語晉王戎傳王渾子戎年十五阮籍謂渾曰濬仲清爽非卿倫也歷歷見元豐元豐宋神宗年號共卿言不如共阿戎談

送惠純上人遊閩

職方記周時七閩地子孫分爲七種故曰七閩秦時號曰

閩中漢封無諸

蚤聽閩人說土風此身常欲到閩中春溝

原註一作春甌水動

茶花白

茶譜建安武夷山產茶最佳蔡君謨有茶錄花史茶花色白氣清香

夏谷雲生荔

子紅

圖經荔枝閩中第一名狀元紅杜甫輕紅擘荔枝

襟帶九江

原註一作山樹接楚天

晁具茨先生詩集卷之九二

海山仙館叢書

不斷

後漢杜篤傳關山之險多所襟帶注襟帶衣帶之要故以喻之韻會自廬江潯陽分九道爲九江

梯航百粵

原註一作波連越嶺

海相通

文選梯山航海職方記廣東西古百粵地

北窗

夜展圖經看

陶潛高卧北窗自謂羲皇上人左思名載於山經形鑿於夏鼎

手自題書

寄筆題詩送

遠公

遠公詳見卷八送僧

道中

北風吹雨不能晴羸病人騎瘦馬行鬚髮向來渾白盡

半緣憂患半多情

行泌水上

輿地記泌水源出銅山流經南陽泌州北與清水合詩云泌之洋洋可以

樂飢宋王曰此水與水合詩云泌之洋洋可以樂飢宋王曰此水與水合詩云泌之洋洋可以

蕭蕭郊原靜牛羊草樹間石磯寒不掃水閣靜常關故
里無消息孤城絕往還多愁獨來此缺得見河山

送王敦素橫

龍蟠山色引衡廬

名勝志鍾山龍蟠石城虎踞王勃序屋分翼軫地接衡廬

霜落江

清影碧盧鼓柁厭騎沙苑馬

屈原文漁父莞爾而笑鼓柁而去寰宇記沙苑一名

沙阜在馮翊縣南十二里卽西魏文帝大統三年周太祖爲相國與高歡戰於沙苑以其戰處宜六畜置沙苑

多植柳於

行廚欲食武昌魚

瑣言修道功深自然亭六甲行廚隨所須舉意卽至

通鑑吳主遷都武昌童謠云寧飲建康水不食武昌魚

緩歌玉樹翻新曲

陳書後主貫如

遊宴使諸貴人女學士與狎客共賦新詩互相贈答采其尤豔麗者以爲曲調被以新聲選宮女千百合習而

晁真茨先生詩集卷之九三

海山仙館叢書

歌之其曲有玉樹後庭花臨春樂等

大抵皆美張貴妃孔貴嬪之容色也趣入金鑾續舊書

兩京記大明宮紫宸殿北曰蓬萊殿其西曰還周殿還

周西北曰金鑾殿殿旁坡名金鸞坡續翰林志唐制駕

在大內則明福門內置學士院駕在興慶官則金明門

內置院德宗移院於金鸞坡上藝文志雜史類韓偓金鸞密記五卷書目一卷

李白著書獨在金鸞殿官達故人稀會面君來相見肯

次韻江子我蠟梅二首

步屣穿花醉曉風

南史袁粲步屣白楊郊野間遇一士人便與酣飲杜甫步屣隨春風村村

自花

翻枝摘葉興何窮他年上苑求佳種

王維閑道迴看土苑花

越白江紅掃地空

杜甫越女天下白又江上紅梅先放春

江城仍似錦城無

成都記孟後主昶於成都羅城上偏植芙蓉每至秋四十里皆如錦繡高

下相照謂左右

半額輕黃笑越姝

温庭筠豹尾竿前趙飛燕柳風吹盡眉間

黃王安石漢宮嬌額半塗黃注額上圖黃制起於漢

我亦少花如杜老舍南爲乞

兩三株

原註此花吳蜀所無

次韻集津兄懷嵩少示王立之

嵩少詳見卷四和十二兄之五

早聞三十六峯前願寄茅茨一澗邊谷轉馬蹄山繚繞

崑開虎口樹嬋娟陽坡日暖宜瓜地

茶譜宣州宣城縣有塢如山其東爲

朝日所燭號曰陽坡阮籍昔日東陵瓜今在青門外五色曜朝日子母相鈎帶

陰嶺天寒熟芋

晁具茨先生詩集卷之九四

海山仙館叢書

田杜甫紫收岷嶺芋白種陸家蓮

便好與公相隱去不宜相對尙茫然

和王立之蠟梅二首

茅簷竹塢兩幽奇岸幘尋花醉亦知

岸幘詳見卷六樂府

崖蜜已

成蜂去盡

博物志諸方山郡僻處出蜜蠟蜜蠟所著皆絕巖石壁惟於山頂以籃輿自上懸下乃得

之蜂遂去不還餘窠及蠟著石者有鳥形小於雀羣飛千數來啄之比冬都盡其處皆如磨洗至春蜂皆還洗

處結窠如故年年如此初無錯亂者人亦各古其平處謂之蠟塞鳥謂之靈雀捕之終不可得

有露房垂

本草露蜂房蜂窠作於林中木上者

老去攀翻興奇招攜風月作新知但令春釀皆如此百

罰深杯亦倒垂杜甫百罰深杯辭不辭

榮澤驛阻雪寰宇記榮澤驛卽廣武驛在汴梁榮澤縣

去年冬不雪今雪太忽忽輕薄愁兼雨歛斜怯受風雁
依寒浦靜鴉噪暮林空憔悴西征客惟應白髮同

秋雨感事

苦雨荒秋宅爾雅久雨曰苦雨李白悲秋宋王宅失路武陵源寒生木葉悲謝莊

洞庭始波半垂藤護壁中缺蔓穿籬書校時開帙劉向

傳向校書木葉微脫壺提日繫絲劉伶酒德頌止則探卮執觚動則挈榼提壺儒冠吾

已悞何責五男兒詳見卷五次韻集津

鬼具茨先生詩集卷九 五海山仙館叢書

次二十一兄九日韻

清秋九日至晚菊兩三開王勃九日重陽節開門有菊

愁把他鄉酒思登故國臺齊民月令重陽日必以糕酒登高眺迴以暢秋志採茱萸

甘菊泛酒續齊諧記汝南桓景隨費長房遊學累年長房謂之曰九月九日汝家當有災厄急宜去令家人作

絳囊盛茱萸以繫臂登高飲菊酒婦人帶茱萸囊是也南齊書宋武帝爲宋公時在彭城九日登項羽戲馬臺

遂相承賜懷朝士寵詩想從臣才孫瑞奏事興平二年秋朝廷以九月九日

賜公卿近臣飲宴齊竟陵王九日侍宴詩月殿風轉層臺氣寒高雲斂色遙露已團沈約邱遲任昉庾肩吾劉

苞各有九日侍宴詩 向晚能無淚飄飄雁影來

問訊次九日韻

問訊西南戍

杜甫南尋禹穴見李白道甫問訊今何如說文戍守邊也陳勝傳秦發間左成漁陽

提封莫遠開

提封詳見卷一古樂府

休傳通蜀道

後漢司馬相如傳是時邛笮之

君長聞南夷與漢通得賞賜多多欲願為內臣妾請吏比南夷上問相如相如曰邛笮冉駹者近蜀道易通異

時嘗通為郡縣矣至漢興而罷今誠復通為置縣愈於南夷上以為然乃拜相如為中郎將

端可棄

輪臺 大事記續編漢武帝征和四年六月還幸甘泉以千秋為丞相先是搜粟都尉桑宏羊與丞相御史

請田輪臺帝乃下哀痛之詔不復出軍輿地記輪臺國名西去車師國千餘里

擬上平戎策 禮記

西方曰戎通鑑唐中宗景龍元年制以突厥默啜寇邊令內外官各進平突厥之策右補闕盧備上疏略云邊

州刺史宜精擇其人使之蒐卒乘積資糧來則禦之去則備之去歲四方旱災未易興師當理內以及外綏近

以來遠俟倉廩實士卒練然

慙無屬國才 通典秦有典屬國官掌蠻

後大舉以討之中宗善之

隄具茨先生詩集卷九 六 海山仙館叢書

夷降者漢升大鴻臚武常為之 何須千里馬 前漢文帝時有獻千里馬者詔曰鸞旗在前屬

車在後吉行日五十里朕乘千里馬獨先安之韓子伯樂教其憎者相千里馬教其愛者相駑馬以千里馬世

一有其利少駑馬多其利多也

遠自渥洼來 漢書元鼎四年馬生渥洼水中上作天馬之歌

隄具茨先生詩集卷之九終

隄具茨先生詩集卷之九終

隄具茨先生詩集卷之九終

隄具茨先生詩集卷之九終

晁具茨先生詩集卷之十

近體

積善堂詩 并序

皇帝即位之五年改元大觀宋徽宗年號赦天下詔

文武吏親年九十已上者未應封咸賜封之于時

吾任城曾叔祖母九十一論當如詔而有司以子

無見任者輒抑之於是叔祖入告於朝既俟命於

京師凡若干日天子聞之詔錫命婦服封壽光縣

太君制下姪曾孫中廬令帥昭德族人詣堂賀金石

晁具茨先生詩集卷十

一 海山仙館叢書

略昭德里宋太子少傅鼂文元公廵所居公字明

遠以天禧四年請老杜門習靜所著有法藏碎金

昭德新編等書叔祖顧而喜曰吾歸築堂於任城第以奉

壽光汝為我名之中廬令讀制因請名曰積善蓋

取制中所謂蘊仁積善以侈上賜也是年秋堂成

迺命姪曾孫太史為之記越某日大會諸族賓客

合樂以落之姪孫莘令作慶壽光曲以獻東州之

人相傳為耆老之榮冲之時以事自昭德來徐徐

府通守叔父一日召冲之語且曰吾家由慶國夫

人已來七世矣以夫若子受爵者不可勝數然未

有以耆德自致如壽光者亦一盛事也不可以無
詩吾將賦之汝其同賦冲之謹再拜稽首而言曰
惟天子仁故貴老以勸四海之心惟壽光賢故介
此眷壽以膺封惟叔祖孝故不旬日感動天子屈
有司議而特封之是三者皆宜歌詠其事以示天
下後世抑冲之小子也固願以文列名父兄之末

况叔父命哉謹撰成積善堂詩十五韻上呈

星次朝當赦星占天雞星動主有大赦龍符夜改元唐車服志高祖頒給東方青龍

符南方朱雀符西方忽傳優老詔周及庶臣門細札頒

晁具茨先生詩集卷十一 二 海山仙館叢書

殊禮陪封錫異恩大酺堪一笑後漢顯宗紀命天下大酺五日注酺布也言天

子布恩於天下束帛不須論易束帛羹羹湖山野錄韓詩外傳諸儒所解束帛皆謂卷其帛爲二

端五匹爲十端乃束帛也 緬想吾宗盛恭惟母德尊孝忠兼仲子辭

翰競諸孫掖誥金鸞潤詩話唐含元殿後曰宣政宣政左右中書門下二省如左右掖

張九齡既起南宮草復掌西掖制注中書省在西樊退朝錄官誥院救郡夫人使金花羅紙七張錦縹袋杜甫

紫詰鸞回紙清朝燕賀人注 官衣翠翟温詩翟第以朝謂紫錦詰之字有回鸞勢

人以翟羽飾車蕭蔽也又榆翟后服刻繪爲翟蓋翟交有時別有倫守匹而不犯分婦德所宜也 萬錢

賓客賀五色帝王言諛草開新夏詩焉得諛草蟠桃屬言樹之背

舊樽吳都賦注東海度索山桃蟠屈三千里穆天子傳西王母降周穆王開宴獻萬歲冰桃千年碧藕

濺濺流水曲穿沙林葉深深不過鴉自恨春來渾不識

慇懃着地拾殘花原註一作溪流淺淺曲穿沙

別息道二十二弟允之

中令有清德風流二百年舉家惟食粥法帖顏魯公乞粥於魯大夫帖

云拙於生事舉家食粥已絕口不言錢世說王夷甫口未嘗言錢字婦

欲試之令婢以錢繞牀不得行夷甫呼婢曰舉却阿堵物里閑容吾老庭闈賴汝賢

陶丘過范蠡莫泛五湖船吳越春秋范蠡既佐吳滅吳遂辭於王乘扁舟出入三江

五湖人莫知其所適後變姓名入齊齊聘為相却之寓居陶丘曰陶朱公三致千金悉散與貧交諸昆季注陶

丘今定陶縣

晁具茨先生詩集卷十 五 海山仙館叢書

和江子我竹夫人

黃藤白簟倦呼盧呼盧詳見卷八至日高卧南窗示楷模陶潛辭倚南窗

以奇傲後漢黨錮傳學中郭芍藥情元最密仙媛傳郭芍藥漢度

遼將軍東平郭譽女少好道鄭櫻桃迹近相疎樂府集石季龍

飛形往來倏忽千里後尸解鄭櫻桃迹近相疎石季龍

龍優重鄭櫻桃而殺郭氏更納清河崔氏櫻桃又譜下而殺之櫻桃美麗擅寵官掖樂府由是有鄭櫻桃歌

帷度日甘同夢史記董仲舒為博士下帷講誦三年不窺園舍詩甘與子同夢隱几終

年俱異書莊子南郭子綦隱几而坐仰天而嘘嗒焉似喪其耦抱朴子人疑蔡邕得異書搜其帳中

果得王暉向禪房陪杖屨杜甫興來猶杖屨清秋霜霰意何如陶潛常恐霜霰至

晁具茨先生詩集卷之十終

晁具茨先生詩集卷之十一

近體

戲留次襄三十三弟 頌之

白下春泥尙未乾

輿地志江寧縣唐名白下

汴流更待小潺湲

輿地志汴

河在滎陽縣西至中牟

不知汝定成行不寒食今無數日間

荆楚歲時

記去冬至一百五日謂之寒食禁火三日亦名冷節

行武陟田中 輿地志武陟縣名屬河南

慣習兒童喜從容父老權桔槔看俯仰

莊子不見桔槔乎引之則俯舍

之則仰故俯仰而不得罪於人說文桔槔汲水器

稼穡愧艱難

書先知稼穡之艱難乃逸則知

晁具茨先生詩集卷十一

海山仙館叢書

小人荷葉生池岸蒲萄落井幹

前漢張騫傳騫使西域得蒲萄以歸漢說文井

上木欄又曰銀牀上官儀寂寂琴臺晚秋陰入井幹

求田如得此當為駐征鞍

青門須醉別少為解征鞍

懷濟北弟姪 婁字記兗州北界濟南故曰濟北

久客思吾子生涯滯故鄉

生涯詳見卷七睡起史高帝本紀高祖曰遊子悲故鄉

獨攜高士傳

李白我尋高士傳君與古人齊 翻憶紫香囊 晉書謝元少好珮紫羅香

囊叔父安患之不欲傷其意因戲賭取焚之

合榻言猶在同堂樂未央

春草夢隨意遶池塘

南史宋謝惠連七歲能屬文靈運詩思不就忽夢見惠連即得池塘

生春草之句以為神助

王敦素許紙不至戲簡促之

摩娑垢面戲陶泓拂拭蒼髯笑管城已與陳元俱絕倒

從君更召楮先生韓愈毛穎傳秦皇帝封穎於管城號管城子與絳人陳元宏農陶泓會稽

楮先生相友善

別昭德第愴然傷懷昭德第詳見卷十積善堂詩序

吾廬去汝到何期司空曙雲根禪客居皆說舊吾廬四十年間此別離

合抱樹元從舊種老子合抱之木生於毫末幾叢菊始自新移張協飛雨

灑朝蘭輕老無兄弟飄零日李密表既無叔遠有公卿

曠絕時李白因之出窻廓揮手謝公卿努力不辭勤負米家語子路曰由事二親之

鬼具茨先生詩集卷十一二海山仙館叢書

時食藜藿之食為親負米百里之外親沒南遊於楚欲從車日乘積粟萬鐘欲食藜藿為親負米不可得也

求三徑可從誰陶潛聊欲弦歌以爲三徑之資可乎

別饒道二十弟

飄零南北一衰門知是澶淵五世孫左襄二十年諸侯會於澶淵有故頓

嗟我獨無兄弟在憐君尚有

典刑存詩雖無老成人尚有典刑老身素苦貧常瘦病目仍緣哭轉

昏它日汝歸馳駟馬成都記司馬相如初西去過昇仙橋題柱曰不乘高車駟馬不過此

橋後果然訪吾肯過浣花村杜甫奉乞桃栽一百根春前為送浣花村

和虞道二十三弟

千載風流賀祕書也知今有此人無吾家父子真相似
不愧朝廷乞鑑湖祕書鑑湖詳見卷八
敦素有以書局處之

和葉甥少蘊內翰重開西湖見寄二首詩話杭有西湖

穎亦有西湖皆為遊賞之勝按穎西二里有湖
袤十里廣二里翳然林木為一邦之勝歐陽修
自揚移穎有都將二十四楡月換得西
湖十頃秋之句公樂其風土築室湖上

使君重鑿西湖罷後漢周勰傳耿况謂寇恂曰使君建

使也復封詩寄我來洲上新題花鳥處苑中舊體柏梁

臺古文苑漢武帝元封三年作柏梁臺詔羣臣二千石有能為七言詩者乃得上座風烟直覺

鍾山近鍾山詳見卷二送王敦素魚鳥渾疑澗水開詩話蘇軾穎州到任謝表略云

晁具茨先生詩集卷十一三海山仙館叢書

覽几席之溪湖揮翰玉堂還有日玉堂詳見卷二贈法一墨行春停

騎且畱杯

二

一麾偃蹇江湖去顏延之一五馬侵尋觀闕來詩話太

其加秩中二千石乃加右驂故以五馬為太守美稱杜

甫蓬萊官闕對南山說文闕門觀也爾雅觀謂之闕郭

註宮門雙闕釋名闕在門兩旁中央闕然也就日金坡通漢苑史贊帝堯就

如雲金坡詳見卷九送王敦素望雲玉澗斷蘇臺望雲

漢苑詳見卷十次二十一兄括地志玉澗在長安玉山下又蘇臺在姑蘇山上見上自迎

檝立看時渡原註近聞買妾古今樂錄晉王獻之愛妾名桃葉獻之嘗臨渡作歌以送之曰桃葉

復桃葉渡江不用楫但渡無所苦我自來迎接手種花行到處開晉書潘岳爲河陽令手種

桃李笑語風流韓別駕通典州之佐史有別駕唐改郡丞爲別駕注別駕者從刺史行

部別乘傳車故謂之別駕唐韓愈嘗爲州別駕西陽雜俎梁

鴛鴦勸鸚鵡杯徐君房飲不盡肇師曰海蠡蟻寘魏使魏肇

師舉勸鸚鵡杯徐君房飲不盡肇師曰海蠡蟻寘魏使魏肇

尾翅皆張非以爲玩亦以爲罰今日不得辭

和寄葉甥少蘊內翰見招

翰林赫奕今如此文獻通考唐元宗初置翰林待詔掌四方表疏批答應和文章前漢何武

爲濠州郡守好獎士類士多歸之杜

所居無赫赫名去後常見思也莫道人惟舊雨來

集卧病長安旅次多雨尋常後漢龐

車馬之客舊雨來今雨不來龐老終身遠州府

峴山南未嘗入城府荊州刺史劉表數延德公居

請不屈後攜妻子隱鹿門山因採藥不返劉郎何面向

春臺原註八兄嘗言少蘊亦欲見招老子衆人熙熙如享太牢如登春臺園宜杏子非時

結溪澗梅花過日開兩地聲聞無百里相望一覆手中

杯

次韻再答少蘊知府甥和四兄以道長句并見

寄二首

錦袍昔是詩成得錦袍詳見卷八樂府別墅今非棋賭來晉書符

百萬次於淮肥謝安命駕出山墅與元圍某賭別墅安

常某劣於元是日元懼便爲敵手而又不勝安顧謂其

甥羊曇曰以墅乞汝定遂游涉至夜乃山蔚藍光交抱

還指授將帥各當其任元等遂破堅水蔚藍光交抱

舍杜甫上有蔚藍天注青色水桃花色合圍臺溝洫志河決而桃花水洋溢注三月水漲

晁具茨先生詩集卷十一四海山仙館叢書

名
通人竹塢深深入謝客松扉遠遠開定與西湖爭勝
負只應惟欠使君杯

二

塵埃自與青雲斷

史伯夷傳閭巷之人欲砥行立名非附青雲之士惡能聲施於後世哉

歲月誰令白髮來數口無歸同作

一作關外

客一春多病幾

登一作臺常閉水上鷗從遠

水上鷗詳見卷五復至新鄉

只老籠中

鶴任開

鷓冠子籠中之鳥空籠不出

日日避愁無處脫直須到手不

停杯

復和少蘊內翰甥兼謝伯蘊通判兄再贈

晁具茨先生詩集卷十一

海山仙館叢書

西湖波浪還佳色風物悲人老可驚游接竹林公對叔

世說稽康阮籍阮咸等七人常集於竹林之下世謂之竹林七賢咸籍之姪也

夢迷春色我思

兄見卷十一懷濟北弟姪

酒沾鸚鵡杯行盡

原註前與伯蘊

兄詩常有鸚鵡杯之戲詳見前和葉甥少蘊

詩傍蟾蜍研立成

西京雜記昔人盜發晉靈

公塚獲玉蟾蜍一枚大如拳腹容五合水潤如新玉取為盛滴器

壯思不逢韓吏部

韓愈字退之歷官吏部侍郎為文粹然一出於正學者仰之如太山北斗

高名誰伴謝宣城

南史謝眺字元暉好學有美名文章清麗長五言詩沈約嘗云三百年來無此詩為宣城守遷尚書吏部郎好

獎人才又好登覽多題句人稱之為謝宣城

復用韻

史奏德星今復聚

後漢陳寔字仲弓桓帝時太丘令以德化民嘗詣荀淑使子元方將車季

方執杖孫孝先長文尚幼坐車中既至荀使叔慈應門慈明行酒餘六龍下食文若尚幼坐膝前是夜德星聚

太史奏五百里內有賢人聚輿地志歐陽修於潁州治起聚星堂與候官王同深交臨江劉攽貢父州人常秩

夷甫六安焦千之伯彊以爲日久遊燕之所 鄉評月旦昔何驚 後漢許劭字

子將汝南平輿人少峻名節嘗到潁川多長者之遊唯不侯陳實又

陳蕃喪妻還葬鄉人畢至而劭獨不往或問其故劭曰太丘道廣廣則難周仲舉性峻峻則少通故不造也居

常好覈論鄉黨人物每月輒更其品題故汝南俗有月旦評潁川人望須公守

類聚荀淑爲當塗長韓韶爲蕪長陳寔爲太丘長鍾皓爲林慮長皆

以仁信化民皆潁川人號潁川四長荀氏家聲付此兄 後漢荀爽兄弟八

人歌曰荀氏八龍慈明無雙 湖影龜魚同聚散棠陰燕雀半生成若

晁具茨先生詩集卷十一六 海山仙帶業書

爲修禊無絲竹 王羲之蘭亭詩敘永和九年歲在癸丑會於會稽山陰之蘭亭修禊事也又曰

雖無絲竹管絃之盛一觴一詠亦足以暢敘幽情 古調新詩唱渭城 原註少蘊

花詩奇絕隋唐嘉話劉伯芻巷口有鬻餅者當爐謳歌憐其貧貸以萬錢自是不聞謳歌鬻餅者曰本領既大

心計轉罷不復歌渭城矣

晁具茨先生詩集卷之十一 終

晁具茨先生詩集卷之十二

近體

僧舍小山三首

此老絕瀟灑久參曹洞禪

傳燈錄梁天監元年有僧智藥泛舟至韶州曹溪水口聞

其香嘗其味曰此水上流有勝地遂開山立名寶林乃云此去一百七十年當有無上法寶在此演法今六祖

南華是也 曾中有丘壑 黃廷堅題東坡畫枯木詩曾中元自有丘壑故作老木蟠風霜 左手

取山川 宋曹彬生周歲父母以百玩羅於前彬左手取干戈右手取俎豆人異之畫鑑范寬遊秦中遍

觀奇勝落筆雄偉老硬真得山水之骨 樹小風聲細巖深日影圓江湖不

歸客相對一茫然

晁具茨先生詩集卷之十二

海山仙館叢書

二

愛此聚沙戲

金地藏懶於金地聚金沙 知自法王孫 岑參况值廬山遠抽簪歸法王

一運郢斤手

莊子郢人墜墜其鼻端若蠅翼使匠石斲之運斤成風盡墜而鼻不傷匠石曰臣能

斲之而臣質死久矣 都無禹鑿痕 秦二世木紀禹鑿龍門通大夏決河亭水 藤梢未挂

壁荷葉欲生盆筴問山陰道 世說王子敬云山陰道上行山川自相映發使人應

接不暇 潛通何處村

三 下山三首

爛石有佳色

拾遺記爛石色紅似柿 禪房疊更幽九疑

峯不斷 寰宇記九疑山在永州晉郭璞云其山九溪皆相似或云九峯互相隱映望而疑之故名舜嘗

登此十字水長流枕簟日逃暑開元遺事長安富家子爭尚奢豪每至暑伏中於林亭中植畫柱以錦結棚軒窗時臥遊世說宗少文好山召名妹間坐爲避暑會軒窗時臥遊水西涉荆巫南登衡嶽因結室衡山以疾還嘆曰老病俱至名山恐難偏觀惟當澄懷觀道臥以遊之凡所遊歷皆圖之於室語人曰撫琴動操欲令衆山皆響吾衰更何往只此對湯休高僧傳唐僧惠休俗姓湯氏

挽十六叔父朝散祖禹

慘淡魚山路公歸應獲麟原缺十字車送逾千兩人哀備百身傷心蒿里夜揮淚竹林春

翰墨傳名教公深有世風斯文今乃喪吾道亦何窮埋

晁具茨先生詩集卷十二海山仙館叢書

玉嗟何及揮金樂未終子孫知必盛斷獄有陰功原註叔父

倅徐州治道士高冲誣耶之大姓孫守真變事

和二十二弟二首

靜處偷看肘後書晉書葛洪字稚川自號抱朴子抄金匱方書百卷肘後要急方書四卷

幽棲古有此人無綠蓑青蕩非吾事張志和西塞山前白鷺飛桃花流水

鰕魚肥青蕩笠綠蓑衣斜風細雨不須歸白浪狂風滿太湖書震澤底定注震澤太湖也

二

襟抱恢疎老更寬笑談終夕盡君歡主人更有桃花面

病眼其如隔霧看齊史盧士深妻崔氏有才學春日以桃花和雪醮面祝曰取紅花取白雲

與兒洗面作光悅取白雪取紅花與兒洗面作妍華取
雪白取花紅與兒洗面作顏容杜甫老年花似霧中看

題超化寺壁

曲池風定碧瀾平晉陶潛辛彭澤時濬九曲池暇日與陸修靜周續之流觴而飲小白

魚如鏡裏行博物志小白魚即鯀魚亦曰參條魚小而長時浮水面水竹再來應

識我壁間不用更題名唐韋肇及第偶題名於慈恩寺雁塔遂為故事

夜行

老去功名意轉疎獨騎瘦馬取長途孤村到曉猶燈火

知有人家夜讀書

和虞道二十三弟豫之

晁具茨先生詩集卷十二三 海山仙館叢書

向別已復久此懷誰與明書來慰吾意詩重識君情放

鶴惜未到筆談林逋隱孤山蓄兩鶴縱之則飛入雲霄通常泛小艇遊西湖寺有客至逋所居一童子延客坐開籠縱鶴飛鴻今尙橫揚子鴻飛冥冥何由

良久連遂棹小艇歸弋人何慕焉

一隨汝端為薄浮名

雷別江子之

盡室飄零去上都六典京兆河南太原為三都寶應元年詔以京兆為上都河南為東都大

原為北都又鳳翔為試於溱洧卜幽居不從刺史求彭

澤晉書陶淵明為彭澤令吏請東帶見督郵敢向君王

乞鏡湖韻府賀知章請為道士平日甚豪今潦倒嵇康

還鄉賜鏡湖剡川一曲書知

吾潦倒不切事情 少年最樂晚崎嶇 潘岳賦倦狹路之迫 故人

鼎貴甘相絕 劉峻論鼎貴高門則曰惟人所召 別後君須寄一書 元別

後天涯何所寄故交惟有袖中書

寄王立之

臘雨城南宅 撫遺朝符讀書城南 衝寒憶屢陪 拊憐庭下石問訊

竹間梅諸子 鷹門立 鷹門詳見卷十一復用韻 羣公跋馬回 說文草行日跋

水行日涉 不知多病後 誰與倒樽罍

讀陳平傳

劉郎白首尚多疑 通鑑漢高祖姓劉氏名邦字季沛人也又六年楚王信初之國陳兵出入

晁具茨先生詩集卷十二 四

海山仙館叢書

人有告信反者帝問陳平平曰古者天子有巡狩會諸侯陛下第出偽遊雲夢會諸侯於陳陳楚之西界信必郊迎因擒之特一力士之事耳帝以為然乃發使告諸侯會陳信謂上上令武士縛載後車爭放封為淮陰侯百戰功臣迹轉危致使文城謝封邑 通鑑帝剖符封功臣使張良自擇齊三萬戶良曰臣始起下邳與上會留臣願封畱足矣不敢當三萬戶乃封張良為畱侯卒謚文成 未如還薦魏無知 通鑑封陳平為戶牖侯平辭曰此非臣之功也上曰吾用先生謀戰勝克敵非功而何平曰非魏無知臣安得進上曰若子不肯本乃復賞魏無知

次韻江子我見寄

敢恨新居僻深懷故國尊 耕耘得遺物 版築尚頽垣 溪隔城南寺崖通市北門 它時如訪我但認語音存

朱少章曝麥爲雨所漂

看書不覺雨如澗稚子驚呼妻怒嗔豈意持竿護雞者
東觀漢記高鳳妻曝麥於庭令鳳持竿
護雞誦讀如故忽雷雨漂麥去不知
翻同挾策牧羊
人莊子臧與穀二人相與牧羊而俱亡其羊問臧奚事
則挾策讀書問穀奚事則博塞以遊二人事業不同
其亡羊均也

過陳無已墓

鎖門脫落封將盡題壁污漫字不分我亦嘗參諸弟子
往來徒步拜公墳

晁具茨先生詩集卷十二

五 梅山仙館叢書

題刺書与墓

晁具茨先生詩集卷之十二終

晁具茨先生詩集卷之十三

近體

初來東里

地志在河南新鄭

乘流從此去河漢失清都

列子周穆王執化人之裾騰而上天實為清都紫府鈞天

廣樂帝之所居既寤王問所從來左右曰王默然爾

送騎沙邊散征帆雨外孤挾

雌栖隴雉

琴操齊牧犢子年七十無妻朝日見飛雉雌雄相隨感之撫琴而歌曰雉朝飛鳴相和雉

雌羣遊

於山阿生子哺巢鳥

春秋斗運樞飛翔羽翮為陽陽氣仁故鳥反哺也

宇宙將

焉往飄飄盡畏途

畏途詳見卷三紀愁

至東里次前韻

晁具茨先生詩集卷十三

海山仙館叢書

茂陵家四壁不比在成都

四壁詳見卷四夷門行

老矣招魂苦

招魂

詳見卷一香山

傷哉問影孤

魏陳思王傳形影相弔五情愧赧

市中寧有虎

韓

魏靡共與太子質於邯鄲共謂王曰一人言市有虎王信乎曰否共曰二人言市有虎王信乎曰否共曰三人

言市有虎王信之乎王曰信矣共曰夫市無虎明矣而三人則成今邯鄲之去魏也遠於市議臣者過於三人

願王察焉

屋上豈無鳥 六韜武王登夏臺以臨殷民周公旦曰愛其人者愛其屋上之鳥憎其人

者憎其胥餘注胥餘蟹醢也

四海皆行路吾何必此途

都下追感往昔因成二首

少年使酒走京華

前漢文帝紀文帝召季布復有言縱其勇使酒難近雷邸一月見罷

步會遊小小家

吳地記嘉興縣前有晉伎蘇小小墓按小小錢唐名倡也南齊時人白居易濤

聲夜入伍員廟柳
色春藏蘇小家
看舞霓裳羽衣曲
開元遺事元宗時河西節度使楊敬

述獻霓裳羽衣曲十二遍凡曲終必遠惟此曲將終引
聲益緩上每晡宴以山車陸船載樂器往來出官人舞

霓裳聽歌玉樹後庭花
唐樹詳見卷九送王敦素又舊唐志玉樹後庭花太簇商曲也

陳後主所作其曲云妖姬臉
似花含露玉樹流光照後庭
門侵楊柳垂珠箔
漢武故

起神室以白珠織
爲箔玳瑁壓之
窗對櫻桃卷碧紗
李嶠月宇臨丹地雲窗網碧紗

客半驚隨逝水主人星散落天涯

二

春風踏月過章華
楚語靈王爲章華之臺伍舉諫之
青鳥雙邀阿母家

漢武故事七月七日忽有青鳥飛集殿前東方朔曰
此西王母欲來有頃王母至三青鳥夾侍王母傍
擊

晁具茨先生詩集卷十三
海山仙館叢書

馬柳低當戶葉迎人桃出隔牆花鬢深釵暖雲侵臉
鬢

髮如
臂薄衫寒玉映紗
杜甫香霧雲鬢濕清輝玉臂寒
莫作一生惆悵

事鄰州不在海西涯
十洲記西海四海之一中有鳳麟洲弱水繞之鴻毛不浮不可越也

次韻四兄蘆

公如柳柳州
唐書柳宗元貶柳州刺史有云柳州柳刺史種柳柳江邊
柳橋如柳浪

惱殺涉溱人
詩褰裳涉溱
望望不可上

二

碧蘆自愁絕黃蘆正枯折宵征雁影孤
梁簡文帝夜望單飛雁詩天霜

河白夜星稀一雁聲嘶何處歸早
知半路應相失不如從來本獨飛
墮此橋下月

次韻陳叔易 二 蘆橋柳橋二首

落日河梁上遲畱客去時近隣無遠送莫說最長枝

橋濶狹如馬蘆高低似人白蘋洲上客輿地志洲在雲溪東南枉

恨洞庭春地志洞庭湖名在岳州城西南

次韻朱少章蘆橋柳橋二首

蘆橋復柳橋蘆枯柳可愛不厭春與秋主人客有待

二 洞庭生白波隴首起黃雲漁舟霧裏見羌笛月中聞

晁具茨先生詩集卷十三 三 海山仙館叢書

挽蔡晉如

南部清笳咽沈遼集大笳十八拍世號沈家聲小笳十九拍號祝家聲杜甫天風隨柳斷客淚墮

清東門素旆飛說文郭璞曰帛全幅長八尺為旆如何一老沒詩不憚遺一老

俾守不及二疏歸前漢大傳疏廣謂少傅受日吾聞知是不辱知止不殆今仕宦至二千石

官成名立如此不去懼有後悔即日同受俱移病上疏乞骸骨上許之加賜黃金二十斤公卿故人設祖道供

帳都門外送者車數百兩道路觀者皆曰賢哉二大夫或歎息為之泣下宇宙那復見死生

從此違吾年未四十已嘆故人稀

夏室

夏室不禦暑竹陰新未交幽花時結子晚燕續開巢午

莫還高枕晨炊出近庖此生吾自了客至莫相嘲

謾興

苻郎傳檄度江南

晉書秦苻堅會羣臣於太極殿議曰吾承業垂三十載四方畧定惟東南一隅未沾王化今吾欲自將伐之何如諸臣皆以為不可堅弗聽且日以吾擊晉猶疾風掃秋葉耳乃大舉入寇戎卒六十餘萬騎二十

七萬旗鼓相望前後千里

謝老風流倚翠嵐但自圍

碁君莫問顧輪別墅乞羊曇

謝老詳見卷十一次韻再答少蘊

過鴻儀寺

折葦枯荷倒浦風黑雲垂雨挂長虹山僧生養池魚看

不許遊人學釣翁

晁具茨先生詩集卷十三四

海山仙館叢書

答韓君表

百年鄆杜家相近

鄆杜地名詳見卷一古樂府人物凋零我獨驚但

見少陵能繼祖

唐杜甫祖審言為膳部員外郎有詩名不聞小陸可優兄

晉書陸雲字士龍機弟弱冠與兄齊名尚書閑鴻奇之曰此兒若非龍駒當是鳳雛終朝詩賦道

仍鬱老去

原註亦作去老文章健更成敢擬濟河輕一戰

左傳濟河焚隱然望已

原註亦作望望怯長城

唐劉長卿與秦系為詩相贈答權德輿曰長卿自語五言長城系

次君表韻答葉少蘊甥

老去幽棲誰比數傳君詩一邑人驚敢叨禮亦推甥舅

借問年猶媿弟兄今日著龜真有望終身木雁兩無成
凡才那可供缺一字去目送飛霞向赤城

晁具茨先生詩集卷十三五

海山仙館叢書

晁具茨先生詩集卷之十三終

晁具茨先生詩集卷之十四

近體

與秦少章題漢江遠帆五首

地志漢江在襄陽城北禹貢嶓冢導

漾東流為

漢即此

楚山全控蜀

杜甫山連粵嶓冢三蜀

漢水半吞吳

李白江流石不轉遺恨失吞吳

老眼知佳處曾看八景圖

輿地志八境臺在贛州城上東望七閩南眺五嶺蘇軾嘗

賦詩八章

二

江山起暮色草木斂餘昏誰感離騷賦丹青弔屈原史記

晁具茨先生詩集卷之十四一

海山仙館叢書

屈原為上官大夫所譏憂愁幽思而作離騷注騷遭也言遭憂也又自屈原沉汨羅後百餘年漢有賈生為長沙王太傅過湘水投書以弔屈原

三

雲埋鳳林寺浪打鹿門山

地志鹿門山在襄陽城東南龐德公孟浩然皮日休皆隱

此今日江風惡郎船勸不還

四

江濶雁不到山深猿自迷傳聞杜陵老

杜陵詳見卷五洗馬只在

灤東西

地志杜甫居灤西復居灤東乃巴東縣東西灤溪也今草堂基尚存

五

石似浣紗石會稽錄苧蘿山下有浣紗江相傳西施浣紗處江如濯錦江蜀志

在成都城南織錦濯於此則鮮麗故名征帆向何處雲霧晦逢窗說文篷窗編竹

覆舟也

莫春書事

少年猶在老書生酒後思家夜起程自佩弓刀防不測

獨隨騾馱雨中行

謝富蔡見過

飯蔬君莫厭瓜菓我時須自可隨豐儉誰能問有無墮

蜂衝博局

說文博局戲用六箸十二棋故名六博古者烏曹作博

驚燕避投壺禮記

晁具茨先生詩集卷十四二

海山仙館叢書

投壺之禮主人請曰某有枉矢哨壺請以樂賓不憚過從遠頻來訪老夫

范元章惠然相過見問奇章公服鍾乳三千兩

贈事因爲長句戲之

君家文物

原註一作清節

冠先朝

文中子衣冠文物之舊

破甌生塵久寂

寥

循史傳范丹字史雲桓帝時爲菴蕪令清貧人歌之曰甌中生塵范史雲金中生魚范萊蕪

借有

三千兩種乳定無八百石胡椒唐書代宗賜程元載自盡妻子皆伏誅有司籍

戴家財有鍾乳五百兩曹植樂府使胡椒八百石他物稱是湘妃暗鼓江邊瑟湘靈鼓瑟兮

令海若舞馮夷南部新書錢起寓宿驛舍外有人咏曰曲終人不見江上數峯青起識之及殿試湘靈鼓瑟落

句久不屬遂以此

秦女高吹月下簫

列仙傳簫史者秦穆公時人喜吹簫

聯足之乃中選

能致孔雀白鶴穆公以女妻之乃教弄玉吹簫作鳳鳴
有鳳凰來止其屋公爲作鳳臺居之一日夫婦同乘鳳
去不待青春行樂了纂要春日青春芳春陽春九春晉書向秀欲注莊子嵇康曰此書詎須注正自妨
人行樂爾直持玉檢上宸霄泰山尚書令奉玉牒檢注封禪有金策石函金泥玉檢謂以玉爲檢束道書天有九霄赤霄碧霄青霄元霄絳霄黃霄紫霄練霄縉霄說文宸帝居也

再至都城

崢嶸花萼西

唐書元宗性友愛兄弟五人製長枕大被同卧起於官南造花萼相輝之樓時召諸

王宴集

清曉望猶迷御路紅塵合

西都賦披三條之廣路立十二之通門祖

賦詩詠停車傍明月走馬入紅塵

宮槐碧瓦齊

庾肩吾井梧生水合宮槐卷復稀劉駟駟鏖鏘碧以爲

吳具茨先生詩集卷十四三

海山仙館叢書

瓦夾城知輦過

開元遺事開元中於長安築夾城至芙蓉苑詩我任我輦說文輦車也六書故

車用人輓者也

復道覺香低

史叔孫通傳孝惠爲東朝長樂宮及聞往來數蹕煩人乃作複道

中使傳宣入千門避馬蹄

三輔黃圖漢武帝作建章宮周廻三十里度爲千門萬戶

春晚圃田道中三首

周禮職方氏辨九州之圃河南曰豫州其澤藪曰圃

田郡縣志中牟縣圃田澤南北二十里東西五十里

度柳穿橋聽午雞

劉禹錫楓林社日鼓茅屋午時雞

一溝春水國門西

韓愈賦排國門而東

行人不用傷新別看取塵間萬馬

出兮嗟余行之舒舒
蹄馬錦障泥紅塵撲四蹄

酒酣馳馬笑彎弓便擬長驅向虜中但恐老儒無骨相
杜甫朝廷半老儒注太宗之時朝廷多老儒碩學 不堪劍履畫南宮
史蕭何傳漢制建尚書百官府曰南宮通鑑漢明帝劍履上殿
圖畫功臣鄧禹等二十八將於南宮雲臺

三

君王重老降褒書特賜宣陽宅一區聞說會稽人不識

鑑湖還肯借臣無
鑑湖詳見卷十 二番別江子之

玉字黃庭經

寶氣宵纏北斗間
史鄭世家新垣平日臣望東北汾陰直有寶氣 仙書自把下

天壇
郊祀志圓壇入陛注祭天 誤緣不是凡心起月戶雲窗讀字難

鬼具茨先生詩集卷十四

海山仙館叢書

紀聞韓魏公知揚州王介甫以新進僉書判官事魏公不以吏事許之秩滿去會有上書者多用古字魏公笑曰惜介甫不在其人頗能讀難字

重過鴻儀寺

秋色遽如許寒花奈若何客行傷老大野次記經過
廡圃猶殘菊枯池但折荷吾生與物態天意豈蹉跎

贈江子我子之

江郎淮海秀
書淮海淮揚州 經術古同師
唐史太宗銳情經術引納學士更直詩論

今温潤無前輩
孔融與曹操書今之少年喜誇前輩 清新有近詩一邱須

早計
晉書謝鯤曰端委廟堂鯤不 五斗莫堅辭
晉書陶潛嘆曰

吾不能爲五斗米獻賦修竿牘杜甫憶獻三賦蓬萊官折腰事鄉里小人獻賦修竿牘莊子小夫之知不離苞苴竿牘做精神乎塞淺注以竹簡相問訊知君定不爲

贈江端本子我

鞞免雞豚今日債斷除妻子宿生緣豐登便是人天供

努力東臯自種田

送僧歸建州

建寧志城東安泰門有古城相傳閩王審知遷城於此至今呼其地爲黨城又城南三里有邨壇在昇山上乃僞殷僭築城北有大沙洲舊富沙驛設焉廷政之封富沙王以此宋端拱元年改爲建寧軍南渡孝宗以紹興五年封建國公三十年進封建王登極之後陞爲建寧府

晁具茨先生詩集卷十四

五 海山仙館叢書

清秋頽汝歸時晚寰宇記西楚頽州秦頽川地與淮康郡汝陽縣隣界秦屬頽川不及

羣公送惠休史略唐僧惠休善屬文作碧雲之什曲几數行題字別晉王羲之

諸門生家不遇見葉几滑淨因書真草相半其父誤刮去驚愼累日扁舟幾日爲詩畱王昌

斷武陵谿口住扁舟谿水隨君向北流東吳楊柳雲中渚寰宇記江東南地春秋屬吳

越梅花雪外洲通志夏少康封少子無餘於會稽奉禹祀號曰於越淮南傳南越賓服萬

里故鄉聊今到江山風物往來遊杜甫風物悲遊子登臨憶侍郎天

韻藻識本子集

晁具茨先生詩集卷之十四終

晁具茨先生詩集卷之十五

近體

和新鄉二十一兄華巖水亭五首

近市危樓通野寺，隔溪高柳接京華。蕩舟不怕風波急，

看盡芙蓉十里花。芙蓉十里詳見卷九
次韻江子我蠟梅

二

池水泠泠淥未深，叢篁低草背庭陰。晚來欲別龜魚去，

更向軒西獨瞰臨。

三

晁具茨先生詩集卷之十五

海山仙館叢書

嗜酒不知淹歲月，好閑久欲棄簪纓。暫遊蓮社同陶令，

蓮社詳見卷八送僧終向瓜田學邵平。史記邵平故秦東陵侯，秦滅後爲布衣，種瓜長安城

東瓜有五
色甚美

四

渚蒲淅淅風猶急，岸柳纖纖雨尙餘。栖鷺宿鷗渾去盡，

泝溪還有兩三魚。

五

荷蓋點溪二數葉，藤梢遶樹幾千層。投閑更與高人約，

重抱琴來聽廣陵。世說：會稽賀思合善彈琴，嘗夜坐月中，臨風鳴絃，忽有一人形貌甚偉著

械有慘色在中庭稱善便與交語自云是穉中散請賀日卿手下極快但於古法未備因授以廣陵散賀遂傳之於今
不絕

感梅憶王立之

王子已仙去梅花空自新江山餘此物海岱失斯人賓

客他鄉老園林幾度春城南載酒地城南詳見卷十二寄王立之載酒詳

見卷四和十二兄生死一沾巾

送人游江南

湧金門外斷紅塵輿地志杭州西城三門曰情波曰湧金曰錢塘皆臨西湖衣錦城

邊著白蘋梅聖俞西湖泛舟誰念滄江上風柔採白蘋不到西湖看山色地

鬼具茨先生詩集卷十五二海山仙館叢書

志湖州長城有西湖溉田三千頃其後墮廢正元十三年刺史于頔復之人賴其利定應未可作

詩人

和顏伯武文山寺

松門石磴隱山家鍾鼓蕭然一院花齋罷老僧來施食

堦前馴雀趁饑雅

小魏買馬久不至以詩寄之

聞說黃金廐五代史漢主劉晏與周世宗戰敗乘黃馳歸以金銀飾廐食以三品號白在將軍

騏驎惜別羣說文騏驎青驥文騏驎毛色深淺班駁隱鄰也猶來果下馬東夷傳朝

鮮出果下馬注高不必五花紋杜甫蕭蕭千里馬傳朝駿骨愁馬個個五花紋

時晚史記郭隗謂燕昭王曰古人遣使者實千金市駿馬至 薊其念夕曛說文薊同香穀氣也曲禮黍曰薊合梁曰薊其 老夫慵杖屨待汝入嵩雲說文中嶽嵩高山詳見卷四和十二兒之五

和四兄清泉香餅子

清絕端因柏子香風流特可付文房如何石火須臾頃
杜甫蝸牛角上爭何事石火光
中寄此身選詩教如敲石火 得盡人間一日長

晝寢

聞說齊州路遙通古睡鄉雲崑迷傳說史記武丁夜夢以夢所見示羣臣百史皆非也於是使百工營求之野得說於傳崑中武丁曰是也得而與之語果聖人舉以

鬼具茨先生詩集卷十五

海山仙館叢書

為相殷國大治故遂風峽宴襄王高唐賦序楚襄王與以傅姓之號曰傅說宋玉遊雲夢之臺高唐之觀上有雲氣須臾之間變化無窮王曰此何氣也玉曰朝雲也昔者先王嘗遊高唐晝寢夢婦人曰妾巫山之女也為高唐之客聞君遊高唐願薦枕席王因幸之去而辭曰妾在巫山之陽高唐之側朝為行云暮為行雨朝朝莫莫陽臺之下旦朝視之如言故為立廟號曰朝雲日月星辰靜周禮占夢辰占六夢 山川草木長醫經肝實則夢山林大樹肝虛則夢細草苔蘚 不知三代之吉凶

代貴何似一張牀

過陳無已墓

以我懷公意知公待我情五年三過客九歲一門生近訪遺文錄重經故里行寄書無鄭尹誰為葬彭城

懷王立之

不到城南久

城南詳見卷十
二寄王立之

黃梅幾度新

梅譜蠟梅與
梅同時原名

黃梅詳見後過
王立之故居

忽看人日作

荆楚歲時記正月七日為
人日高適人日題詩寄草

堂遙憐故人思故鄉柳條弄色不忍見梅花滿地堪斷
腸身在遠藩無所豫心懷百憂復千處今年人日空相

憶明年人日知何處

淚盡大和春

揚雄大和其在
唐虞成周乎

翰墨猶如在壺

觴不復陳常思醉風度花底岸綸巾

後漢光武紀岸幘
笑迎晉謝萬春著

白綸巾披
鶴擎裘

以少炭寄江子之

金籀曾通玉虛殿

李白謬題金闕
籍得與銀臺通

仙曹擬拜翠微郎莫

晁具茨先生詩集卷十五

四
海山仙館叢書

嫌薄上温磨火

李商隱漸近火
温磨注磨香也

猶得濃薰篤褥香

泊宇
編市

舶張苑進篤褥得學士拔篤褥出真臘國樹似松老則
脂液溢出色白者名白篤褥香夏融冬結以瓠瓢盛之

置陰處則夏不融雜以
樹皮則色黑名黑篤褥

梅

素月清溪上臨風不自勝影寒垂積雪枝薄帶春冰香

近行猶遠人來折未會江山正蕭瑟玉色照松藤

過王立之故居

醑醑架倒花仍發

原詩一作花無主格物論醑醑花藤
身青莖每一穎著三葉品字盤曲青

跗紅萼及開變白香微而清范蜀公居許下作長嘯堂
宴客醑醑架下約曰有飛英墮酒杯者飲一大白微風

過之滿座無遺
時號飛英會
薜荔墻推石亦移
原註一作客有誰清
異錄薜荔香草緣木

蔓生依岩石者如織在石
日長春藤曰扶芳藤曰龍鱗薜荔
柳宗元驚風亂颺芙蓉水密雨斜

此地與君凡幾醉
年年同賦蠟梅詩
梅譜蠟梅蠟梅原名黃梅故王安國熙寧間尙有味黃梅詩至元祐間蘇黃門命爲蠟梅

本非梅類以其與梅同時香又相近色酷似蜜脾故名

至元祐間蘇黃門命爲蠟梅

再至徐州示諸弟
一統志秦始置彭城縣屬泗水郡項羽稱西楚霸王實都

之漢高改泗水爲沛郡隸豫州又分沛郡立

楚國因置徐州後漢十三州徐治鄉鄆下邳

去年客徐得范子今年客徐不得人斷無草木與同味

也三國十二州晉十九州徐皆治彭城

左傳晉范宣子來聘且拜公之辱告將用師於鄭公享

之宣子賦標有梅季武子曰誰敢哉今譬於草木寡君

在君君之臭味也欽宛有魚鳥來相親
世說簡文在華林園曰會心處不必在遠偷然林水

覺魚鳥便來親人南尋白門傍山麓
輿地志白門者志呂布死西望黃樓行水濱

輿地志黃樓者城東門樓於白門樓

爲守每先事隄防卒全徐城明年元豐正月朝廷下詔

獎諭乃卽城東門起大樓樓成墜以黃土取尅水之義

子瞻十五夜黃樓觀月詩中秋天氣未應殊不用紅紗

照坐隅山下白雲橫匹素水中明月卧浮圖未成短棹
還三峽已約輕舟泛五湖爲問登臨好風景明年還憶
使君無自註云郡治有廳事俗呼爲霸王廳相傳不可
坐軼在郡拆還家作詩示羣從早晚一遊攜二陳
指元之以蓋黃樓

方季方詳見卷十一復用韻

晁具茨先生詩集卷十五

海山仙館叢書

秋夜情

獨眠百感秋夜情孤城急雨中聞更明朝覽鏡視鬢一作髮不知白從何處生

晁具茨先生詩集卷十五六

海山仙館叢書

晁具茨先生詩集卷十五終

右宋晁具茨先生古今詩一百六十七首涪陵孫君壽
諸梓陵陽俞君爲之序迄今六百年矣先生生於南北
治亂之交而羣從復罹元祐黨禍故其發於詩歌者類
多憂讒畏譏以至疾革時取所著書燬而焚之曰是不
足以成吾名嗚呼豈真謂不足以成名哉客至勿多語
欲吐且復吞送王敦素云爾此先生之微旨也此先生
之詩之所以可傳傳而不貴多也余向藏有繕本愛其
取材宏博富有百家而又惜其字多魚豕吟咏之餘粹
難解會因別購善本與西亭先生讐校數過譌者是正

見具茨先生詩集跋語

一

海山仙館叢書

疑者是闕而加箋焉讀者庶可藉以尋其義之所在乎
若夫詩之淵雅踈亮容濶寬餘前輩論之詳矣不復贅
亮圃書於一卷一勾之間

08757

